

卷二百六十九

217-219



欠二百十八  
百

二百十七  
百十九

續文獻通考卷之二百十七

續文獻通考館貯庫官書

皇明進士雲間王圻纂輯

象緯考

日變

月食

月變

太陰五星陵犯

上

日變

宋理宗寶慶三年十二月己酉日生背氣 紹定三年二

月丙申日有背氣 四月己巳日暈 景定五年九月

己丑日生格氣

恭帝德祐二年二月日中有黑子大如鷺卵相盪久之



遼太祖元年正月己未白氣貫日

道宗太康三年五月癸亥日中有黑子

金

太宗天會七年三月己卯朔日中有黑子

熙宗天會十四年十一月丙寅日中有黑子斜角交行

海陵天德二年正月甲辰日有暈珥白虹貫之 十一月

丙戌復然 貞元三年四月丁丑朔昏霧四塞日無光

凡十有七日 正隆五年八月庚午日中有黑子狀如

人 六年二月甲辰朔日有暈珥戴皆

王琰

世宗大定二十九年正月己卯己初日有暈左右有珥上

有背氣兩重其色紫赤而厚復有白虹貫之亘天其東

有戟氣長四尺餘五刻而散 丁巳己初日有兩珥上

有背氣兩重其色青赤而淡頃之背氣於日上為冠已

而俱散 二月甲子辰刻日上有重暈兩珥抱而復背

背而復抱凡二三次 乙丑日暈兩珥有負氣承氣而

白虹亘天左右有戟

世宗嘗問紇石烈良弼曰每旦暮日色皆赤何也良弼

對曰旦而色赤應<sub>赤</sub>在東高麗當之暮而色應<sub>赤</sub>在西夏國

當之願陛下修德以應天則災變自弭矣既而夏國有  
任德敬之亂高麗有趙位罷之難其言皆應

章宗明昌四年九月癸未日上有抱氣二戴氣一俱相連  
左右有珥其色鮮明 泰和三年十月戊戌日將沒色  
赤如赭四年三月丁卯日昏無光 五年七月癸巳申  
刻日上有背氣一內赤外青湏臾散 八月年四月癸  
卯己刻日暈二重內黃外赤移時散

衛紹王大安二年正月庚戌日中有流星大如盈

宣宗貞祐三年正月壬戌日有左右珥上有冠氣移刻散

王琰

二月己巳日初出如血將沒復然 興定五年四月

丙子日正午有黃暈四匝其色鮮明 元光二年五月

辛未日暈不匝而有背氣

哀宗正大四年十一月乙未日上有虹氣背而向外者二

約長丈餘兩傍俱有白虹貫之 八年三月庚戌酉正

日忽白而失色乍明乍暗左右有氣似日而無光與日

相陵而日光四出搖蕩至沒 天興元年正月壬午朔

日有两珥 三年正月己酉日大赤無光

元



世祖中統三年十一月辛丑日有背氣重暈三珥 至元  
二十四年七月日暈連環白虹貫之 二十九年正月  
朔日食有物漸侵入日中不能既日體如金環然左右  
有珥上有抱氣  
武宗至大四年正月壬辰日赤如赭  
仁宗延祐元年三月己亥日暈亘天連環貫日 五月甲  
戌日赤如赭 乙亥如之 九月甲寅戊午亦如之  
三年五月甲申至戊申日赤如赭 七年三月乙未日  
有暈若連環然

王瑛

英宗至治元年三月己丑日交暈如連環

順帝元統元年三月日赤如赭 至閏三月丙申癸丑甲

寅皆如之 至元元年十二月戊午日赤如赭 至閏

十二月丁亥戊子己丑皆如之 二年二月壬辰日赤

如赭乙未丙申如之 至三月庚申壬戌癸亥四月丁

丑十二月甲戌皆如之 三年正月丁巳及八月癸未

日有交暈左右珥上有白虹貫之 十月癸酉日赤如

赭 四年閏八月戊戌日赤如赭 己亥壬寅至四月

庚寅皆如之 五年正月丙寅日有交暈左右珥上有

白虹貫之 二月辛亥日赤如赭 庚申辛酉四月丁未皆如之 至正元年三月壬申日赤如赭 十五年二月丙子日赤如赭 十六年三月有兩日相盪 十七年七月日有交暈連環貫之 十八年三月己亥朔日色如血 二十五年三月日有暈內赤外青白虹如連環貫之 二十六年二月丁卯日有暈左珥上有背氣一道 二十七年二月十三日仰視日旁一月一星月如初弦者

明

王琰

太祖洪武八年四月甲寅欽天監言日上有青氣在趙分恒山之北北夷遼東之地遂遣使往北邊諭傅友德并定遼等處都指揮司計戍練兵嚴飭守備 十年十月乙亥白虹貫日 十六年癸亥春正月戊申白虹貫日 十九年丙寅春三月白虹貫日 二十二年冬十二月白虹貫日 十二年夏四月庚申日交暈上敕李文忠沐英等日交暈在秦分主有戰鬪之事己未太白見東方至於甲子順行而西西征大利宜追擊番寇 建文元年太史奏赤日無光時教諭程濟上言北兵將起



應在明年上以為妄囚之

英宗正統元年秋九月白虹貫日天順三年十月日暈

數重

憲宗成化二年正月甲辰朔辰時日暈及左右珥背氣赤

黃色鮮明十一年六月己酉卯刻日生左右珥重暈

背氣赤黃色鮮明

世宗嘉靖二十四年十二月自二十二日至二十六日日

輪外有黑氣如盤

日日光忽暗青黑紫色日影如盤數十相摩視久則百

玉琰

千飛盪滿天向西北而散

穆宗隆慶五年三月辛巳日暈有珥白虹亘天左右戟氣

俱蒼白

月食 月變

宗理宗寶祐六年十月辛卯夜月食 淳祐八年二月戊

子月生黃白暈

遼穆宗應歷十七年十一月司天臺奏月當食不虧上以

為瑞懼飲達旦

金

續文獻通考

太宗天會十一年五月乙丑月忽失行而南頃之復故十  
二月丙戌月食昴

熙宗天會十三年十一月乙酉月食命有司用幣以救著  
為令

海陵天德三年二月丙辰月食 四年十二月丙子月食  
元貞元年十二月庚午月食 二年三月辛巳月食  
十一月甲子月食 正隆二年二月辛巳月食 五  
年正月甲午月食 六年七月乙酉月食  
世宗大定三年十一月丙申月食既 十六年三月庚申

王琰

月食 九月丁巳月食 十九年正月甲戌月食既  
二十二年十一月辛巳月食既 二十三年五月己卯  
月食既 二十九年十二月辛丑月食既

章宗明昌元年六月丁酉月食既 十二月乙未月食  
二年六月壬辰月食 三年四月丁巳月食

時司天臺劉道用改進新歷詔學士院更定歷名張行  
簡奏乞覆校測驗俟將來月食無差然後賜名詔翰林  
侍講學士党懷英等校定道用新歷明昌三年不置閏  
即以閏日為三月二年十二月十四日金木星俱在危



十三度道用歷在十三日差一日三年四月十六日夜  
月食時刻不同道用不曾考驗古今所記比證事跡輒  
以上進不可用道用當徒一年取贖長行彭徽等各杖  
八十罷去 四年正月丙子月有暈白虹貫其中九  
月戊申月食 五年十月癸卯月食 承安元年八月  
壬戌月食既 二年二月丁巳月食既 三年正月甲  
寅月食 七月庚戌月食 五年五月庚午月食 泰  
和元年十一月辛酉月食 二年五月己未月食 三  
年三月癸未月食 四年九月乙亥月食 五年三月

王琰

壬申月食 八月己巳月食 六年八月癸卯月暈圍  
太白熒惑二星 七年正月丙戌初更月有暈圍歲鎮  
二星在參畢間 辛卯月食 七月戊子月食 八年  
正月丙戌月食

衛紹王大安元年六月丁丑月食 十月乙丑月食

宣宗貞祐二年二月庚戌月食 八月丁未月食 三年

八月辛丑月食 四年二月己亥月食 閏七月乙未

月食 興定元年十一月癸未月暈圍歲星熒惑二星

木在胃火在昴 十二月戊午月食 二年六月乙卯

月食 十一月壬子月食既 三年五月庚戌月食既

十一月乙巳月食 癸丑白虹二夾月尋復貫之

四年五月甲辰月食 六年四月癸亥月食 元光二

年九月壬申月食

哀宗正大七年十月己巳月暈至五更復有大連環貫之

絡北斗內有戟氣

元世祖至元二十四年月暈圍金土二星

順帝至正十三年三月月食太白是時徐貞一倪蠻子陳

友諒等亂漢沔

王琰

明月食不盡載止舉其變異以備考

成祖永樂元年正月月當食不食時禮部尚書李至剛請

率百官稱賀上曰王者能修德行政用賢去邪然後日

月當食不食適以陰雨不見豈果不食耶勿賀

穆宗隆慶四年七月十五日夜月食二分一十三秒照例

免行救護

萬曆二十年禮部奏歷科題五月十六日晚月食誤認夜

望乞行各衙門於十五夜三更赴中府救護 先是欽

天監奏三月十五日月食復圓在於卯刻救護宜在寅



刻

彗孛

宋

寧宗嘉定十五年八月甲午彗出氏

理宗紹定五年閏九月庚戌彗星出於角一嘉熙四年正月辛未彗星出於營室一甲午彗星犯王良西南第二星一景定五年七月甲戌夜彗星出柳長竟天己卯退於鬼八月辛巳退於井戊午退伏甲子復見於參辛未化為霞氣一時考功郎官趙景緯應詔上奏曰今日求

王琰

所以解天意者不過悅人心而已百姓之心即天心也  
錮私藏而專天下之同欲則人不悅保私人而違天下  
之公議則人不悅閭閻之糟糠不厭而燕私之供奉自  
如則人不悅百姓之膏血日朘而符移之星火甚急則  
人不悅不公於己而欲絕天下之私則人不悅不澄其  
源而欲止天下之貪則人不悅夫必有是數者始足以  
召怨而致災願陛下損內帑以絕壅利之謗出嬪嬙以  
節用度之奢弄權之貂寺素為天下之所共惡者屏之  
絕之毒民之恩澤侯嘗為百姓之所憤者黜之棄之擇

忠鯁敢言之士置之臺諫以通闕高之壅選慈惠忠信  
之人使為守宰以保元氣之殘又必稽乾淳以來凡利  
源窠名之在百司庶府者悉隸其舊以濟經用之急公  
田派買不均之弊聽民自陳隨宜通變以安田里之生  
則人心悅天意解矣人之常情懼心每發於災異初見  
之時不能不潛移於諂諛交至之後萬一過聽左右寬  
譬之言曲為他說以自解毛舉細故以塞責而恐懼之  
初心弛則下拂人心上違天意國之安危或未可知又  
曰損玉食不若損內帑卻貢奉之為實避正朝不若塞

王琰

倖門廣忠諫之為實肆大青固所以廣仁恩不若擇循  
良黜貪暴之為實蓋天意方回而未豫人心乍悅而旋  
疑此正陰陽勝復之會眷命隆替之機也

遼太宗會同四年八月壬申有星孛於晉分

聖宗開泰三年正月乙未夕彗星見西方

道宗咸雍二年三月壬午彗星見於東方 太康五年十

二月丙午彗星犯尾 壽隆三年七月己巳彗星見於

西方

金



太宗天會十年八月辛亥彗星出於文昌

熙宗皇統五年四月丙申彗星見於西北長丈餘至五月

壬戌始滅 七年正月辛未彗星出東方長丈餘凡十

五日滅

宣宗興定六年八月己卯彗星出於角亢右攝提周鼎之

間指大角有司奏除舊布新之象宜改元脩政以消天

變於是改是年為元光元年九月丁未滅

哀宗天興元年九月己酉彗星見東方色正白長丈餘灣

曲如象牙出角軫南行至十二日長二丈十六日月燭

王琰

不見二十七日五更復見東南約長四丈餘至十月一

日始滅凡四十有八日司天奏其咎在北哀宗曰我亦

北人今日之事我當滅也何乃不先不後適丁此乎

元

世祖至元元年七月彗星出輿鬼昏見西北貫上台掃紫

微文昌及北斗旦見東北凡四十餘日 十四年癸亥

彗星出東北長四尺餘 三十年十月庚寅彗星入紫

微垣抵斗魁光芒尺許凡一月乃滅

成宗大德二年十二月甲戌彗出子孫星下 五年九月

乙丑自八月庚辰彗出井二十四度四十分如南河大  
星色白長五尺直西北後經文昌斗魁南掃太陽又掃  
北斗天機紫微垣三公貫索星長丈餘至天市垣巴蜀  
之東梁楚之南宋星上長盈尺凡四十六日而滅 八  
年三月乙丑自去歲十二月庚戌彗星見約盈尺指東  
南白色測在室十一度漸長尺餘復指西北掃騰蛇入  
紫微垣至是滅凡七十四日

仁宗皇慶二年三月丁未彗出東井

順帝至正三年夏四月有星孛於王良至七月壬寅沒於

王琰

貫索 五月彗星見於東北如天船星大色白約長尺  
餘彗指西南測在昴五度戊辰往西南行日益漸速至  
六月辛未芒彗愈長約二尺餘丁丑掃上丞己卯光芒  
愈甚約長三尺餘入園衛壬午掃華蓋杠星乙酉掃鉤  
陳大星及天皇大帝丙戌貫四輔經樞心甲午出園衛  
丁酉出紫微垣戊戌犯貫索掃天紀七月庚子掃河間  
癸卯經鄭晉入天市垣丙午掃列肆己酉太陰光甚微  
辨芒彗出天市垣掃梁星至辛酉光芒微小瞻在房宿  
鍵閉之上罰星中星正西難測日漸南行至是凡見六



十有三日自昴至房凡歷一十五宿而滅 六年二月  
己酉彗星如房星大色白狀如粉絮尾跡約長五寸餘  
彗指西南測在房七度漸往西北行至三月庚辰凡見  
三十二日 至正十一年十一月辛亥孛星見於奎宿  
癸丑孛星見於婁宿甲寅孛星見於胃宿乙卯亦如之  
丙辰孛星見於昴宿丁巳孛星見於畢宿 十六年八  
月甲戌彗星見於正東出軒轅左角大星色青白彗指  
西南約長尺餘測在張宿十七度一十分十月戊午滅  
跡西北行四十餘日 二十年三月戊子彗星出東方

王琰

二十二年二月乙酉彗星見光芒約長尺餘色青白  
測在危七度二十分 丁酉彗星犯離宮西星至二月  
終光芒約長二丈餘三月戊申彗星不見星形惟有白  
氣形曲竟天西指掃大角 壬子彗星行過太陽前惟  
有星形無芒如酒盃大昏濛色白測在昴宿六度至戊  
午始滅跡 六月辛巳彗星見於紫微垣測在牛二度  
九十分色白光芒約長尺餘東南指西南行戊子彗星  
光芒掃上宰七月乙卯彗星滅跡 二十三年三月辛  
丑彗星見東方經月乃滅 二十六年九月庚子孛星

見於紫微垣北斗權星之側色如粉絮約斗大往東南  
行過犯天棊星 辛丑孛星測在尾十八度五十分  
壬寅孛星測在女二度五十分 癸卯孛星測在女九  
度九十分 甲辰孛星測在虛初度八十分 乙巳孛  
星出紫微垣北斗權星玉衡之間在於軫宿東南行過  
犯天棊經漸臺輦道去虛宿壘壁陣西方星始消滅焉  
二十八年春正月庚寅彗星出於昴畢之間 三月  
又出於昴北是歲元亡  
瓊山邱氏曰史綱終於彗見於昴何以天道終也終於

王琰

天道何昴胡星也彗除舊布新之象也唐李淳風作晉  
天文志成帝咸和七年十二月熒惑守昴八年七月熒  
惑入昴占曰胡主死是月石勒果死九年八月又犯昴  
十一月石虎廢石和幽殺之淳風曰是時雖二石僭號  
而其強弱常占於昴不關太微紫宮也自是精於天文  
者首稱淳風其言如此則昴為胡星明矣又言強弱不  
關太微紫宮則胡人雖入中國僭大號不得當正統又  
明矣我聖祖以正月即皇帝位復中國之統彗星即見  
於昴畢之間三月又出於昴北七月而元亡除腥羶之



然二府通考  
舊穢布文明之新化天人之際淵乎深哉

明

太祖洪武元年正月庚寅彗星見於昴畢之間 是年春

三月彗星見昴北 九年秋七月五日有星孛於北斗

欽天監奏仇星見殺氣多遂釋被刑之家親屬還鄉諸

司獄為一空 十八年九月乙酉日彗長丈掃翼 冬

十月彗星掃天廟 二十四年夏四月彗星三入紫微

垣

宣宗宣德六年辛亥夏四月有星孛於東井 八年秋八

王璆

月彗出天倉旁入貫索掃七公鄭曉曰是月有恠星見  
或曰歸邪星

景皇帝景泰元年庚午春正月壬午彗星出天市垣掃天  
紀 閏正月彗星又見 三年壬申春三月甲午有星

孛於畢

英宗天順三年十月彗出星變日暈數重

憲宗成化元年二月彗星見西北長三丈餘三閱月乃沒

四年戊子秋七月有星孛於台斗 九月癸亥客星

變為彗星 戊辰彗星辰見東北方 己巳彗星昏見

西南方 丁丑昏刻彗星犯七宮西等四星 壬午昏刻彗星入天市垣 十月甲寅彗星犯天屏西第一星 至十一月戊午夜彗星滅 七年十一月彗見軒轅 十二月丁丑夜彗星北行其光益大橫掃太微垣即位 星 己卯夜彗星光芒長大東西竟天自十一月北行 二十八度餘犯天槍尾掃北斗三公太陽上以星變避 正殿徹樂 丙戌立春昏刻彗星犯天河星 七年辛卯冬十一月彗星見於東北大赦天下是星出天市入太微垣其象首約而尾散且長光曄然炫目狀如掃帚

王琰

時上久不接見廷臣議政事上下情隔言者皆謂此召變 八年壬辰春彗星見軒轅

孝宗 和治三年庚戌冬十二月辛亥彗星見於天津 十三年庚申夏五月朔日彗星見

武宗 正德元年秋七月己丑彗星見參井掃太微垣戊戌

乃滅 是年彗星掃文昌臺官云應在內閣後劉瑾用事逐大學士劉健謝遷一時九卿臺諫無不受禍蓋

文昌被掃之應 十五年彗星見 十六年春正月有星孛於

東南頃之橫絕東西復為鉤屈

世宗 嘉靖二年有星孛於天市給事中周瑯言此乃竄言



官曾嘉庇李隆崔文日討迎立恩典之應不報 十年

辛卯夏六月乙巳彗星見東井 命九卿投劾都御史汪鉉劾黜謫御史葉完等

有差張孚敬罷 十二年夏六月彗星見昴畢射天漢 八月

初三彗星見東井漸長至丈餘掃太微垣諸星至十二

月凡一百一十五日方滅 十三年秋七月彗星見

十八年己亥夏四月庚申彗星見兩旬始滅

穆宗隆慶三年十二月彗星見女尾

萬歷二十年欽天監揭稱七月初三日乙卯五更東北一

彗星形如彈丸其色蒼白尾向西南方約長三尺餘測

王璣

在井宿度分

太陰五星陵犯上

宗

理宗寶慶三年正月戊寅熒惑入氐 十一月辛亥熒惑

犯填星辛酉犯歲星 紹定元年十月熒惑犯壘壁甲

子犯填星十一月癸酉入羽林 三年六月乙酉歲星

入井 六年四月戊寅歲星守太微垣上相 五月己

酉月入氐 端平元年五月辛巳熒惑入填九月辛丑

熒惑入斗 二年八月太白犯太微垣左執法星 嘉

熙元年五月丙子熒惑犯太微垣上将星	二年七月
壬寅熒惑犯輿鬼	四年十一月甲子熒惑入太微垣
淳祐三年七月丁亥太白入井	五年四月甲申填
星犯太微垣上相星	六年四月壬戌月犯太白八月
辛酉犯房	七年七月己未月入心
十一年七月丁酉熒惑入井	寶祐四年六月丁亥太白入井
十二年	月庚申犯填星
五年十二月丁未熒惑入氐	開慶
元年七月辛亥太白入井	八月庚子夜犯權火星九月
戊辰犯熒惑	景定元年五月壬午熒惑犯斗
六月	

王璣

戊申月犯斗	八月壬子夜太白入房丙戌夜熒惑犯
壁	二年十二月乙亥月犯五車
三年二月乙巳月	入氐
五年三月丁卯夜月犯斗	七月甲午夜填星
守畢	

遼穆宗應曆十一年十一月歲星犯月	
聖宗統和八年五月月掩天駟第一星	十二年六月太
白歲星相犯	
道宗大安二年二月太白犯歲星	
金	



太宗天會十年閏四月丙申熒惑入氐

熙宗天會十四年正月壬辰熒惑入月 十五年正月戊

辰歲星犯積尸氣 天眷二年三月辛巳朔歲星留逆

在太微 九月辛巳太白犯軒轅左星乙巳犯左執法

十一月戊寅太白入氐 三年七月壬戌月犯畢十

二月壬午掩東井軒轅南第一星 皇統元年二月甲

戌月掩畢大星 二年十一月己酉月犯軒轅大星甲

寅犯氐東北星 三年正月己丑熒惑逆犯軒轅次北

一星 二月己丑月犯畢大星閏四月癸巳月掩軒轅

王琰

左角星九月丁丑犯軒轅大星 四年八月癸未熒惑

入輿鬼 五年四月甲辰熒惑犯左執法 六年九月

戊寅熒惑犯西垣上將己丑月犯軒轅第二星 七年

正月庚辰熒惑犯房第二星 十一月壬戌歲星犯逆

井東扇第二星 八年閏八月丙子熒惑入太微垣

九年二月癸亥月掩軒轅第二星 七月丁未熒惑犯

南斗第四星八月壬子又犯南斗第三星

海陵天德元年十二月甲子土犯東井東星 二年正月

己酉月犯昴壬辰犯木乙未犯角二月丙寅犯心大星

九月丁酉犯軒轅左角十月乙丑犯太微上將十二月  
癸丑犯昴三年十月丁亥月犯軒轅左角四年三  
月乙亥月掩鬼犯填星六月癸巳太白犯井東第二  
星八月辛未犯軒轅大星十二月甲辰熒惑犯鈎鈐  
丙午月犯井北第一星貞元二年正月辛丑犯  
井東第一星二年正月庚申月掩昴二月辛丑犯心  
前星八月戊戌熒惑入井凡十一日而出三年八  
月乙酉月犯牛九月辛亥犯建星十一月戊午掩井鉞  
星正隆三年二月己卯熒惑入鬼甲午月掩歲星六

事蹟

月丁酉犯底十二月戊申入氐四年九月壬寅月掩  
軒轅右角十二月壬辰入鬼犯大星  
時海陵問司天馬貴中曰近日天道何如貴中曰前年  
八月二十九日太白入太微右掖門九月二日至端門  
九日至左掖門出並歷左右執法太微為天子南宮太  
白兵將之象其占兵入天子之庭海陵曰今將征伐而  
兵將出入太微正其事也貴中又言當端門而出其占  
為受制歷左右執法為受事此當有出使者或為兵或  
為賊海陵曰兵興之際小賊固不能無也是歲海陵南



伐遇弒

世宗大定元年十月丙午熒惑入太微垣在上將東  
 丁巳月犯井西扇北第二星 二年閏二月戊寅月掩軒  
 轅大星三月戊申掩太微東藩南第一星八月乙酉犯  
 井西扇北第二星九月庚戌犯畢距星 三年五月辛  
 丑月入氐八月丁未犯井距星十月庚辰犯太微垣西  
 上將星 十一月庚寅歲星入底壬子月入氐 四年  
 二月壬午歲星退入氐凡二十九日 九月丙午月犯  
 軒轅大星北次星十二月癸卯掩房北第一星 五年

五珠

正月癸亥月掩軒轅大星北次星八月丁酉犯井東扇  
 第一星 十一月癸丑熒惑入底凡二十一日 六年  
 二月丙申月犯南斗東南第二星三月己未入底 十  
 一月辛亥金入氐凡七日 十二月癸巳月犯房北第  
 二星 七年十月乙巳火入氐凡四日 八年正月癸  
 未月掩心大星三月庚午掩軒轅大星北一星 八月  
 甲午太白犯軒轅大星 十月庚子月掩熒惑十一月  
 庚午犯昴 九年正月戊寅月掩心後星四月庚子掩  
 心前星八月癸卯掩昴十二月丙戌犯土 十年正月

丙寅月掩軒轅大星七月庚子犯五車東南星 八月
戊申朔木星掩熒惑在參畢間 十一年二月壬戌熒
惑犯井東扇北第一星 十二年五月辛巳月犯心後
星八月癸卯犯心大星辛亥熒惑掩井東扇北第二星
十月己酉掩鬼西北星 十三年二月己丑熒惑犯鬼
西北星三月癸巳朔入鬼次日犯積尸氣 六月辛未
月犯心前星 十四年八月庚辰熒惑犯積尸氣 十
二月乙丑月掩井西扇北第一星 十六年五月庚午
月掩太白七月丁未犯角宿距星甲子掩畢宿距星

王琰

八月丙子太白犯軒轅大星 十月丁丑熒惑入太微
十一月甲寅月掩畢距星戊辰熒惑犯太微上將
十二月己丑月掩太微左執法 十七年正月丙寅熒
惑犯太微西藩上相 十八年七月庚辰土星犯井東
扇北第二星 九月己丑熒惑犯左執法 十二月甲
午填星掩井西扇北第一星凡十日 十九年三月甲
戌熒惑犯氐距星 八月癸卯太白犯軒轅御女辛亥
熒惑犯南斗杓第二星 九月壬申月掩畢大星 十
一月辛未熒惑掩歲星十二月丁亥月犯歲星 二十



年二月己丑月掩畢大星三月丙辰掩畢西第二星  
二十一年二月戊子月犯填星 四月壬申熒惑掩斗  
魁第二星十有四日 七月乙亥朔熒惑順入斗魁中  
凡五日 二十二年十一月辛未熒惑行氐中乙亥太  
白太氐 十二月戊戌熒惑犯鉤鈴 二十四年四月  
甲申月掩太白 九月庚子歲星犯軒轅大星 二十  
五年三月乙酉太白與月相犯 九月丁亥月在斗魁  
中犯西第五星十二月己未犯熒惑 二十六年三月  
丙戌熒惑入井鎮星犯太微東藩上相四月丁丑熒惑

王琰

犯鬼西南星 七月丙申月掩心前星十二月乙未掩  
心前大星又犯于後星 二十七年五月壬子月犯心  
大星 六月癸巳月掩昴七月丙午犯房南第一星  
十二月丁丑月掩昴 二十八年正月己未歲星留于  
房甲子守房北第一星 十一月丙申填星入氐 十  
二月壬申月掩昴 二十九年正月丁酉土星留氐中  
三十<sup>有</sup>七日逆行後七十有九日出氐 六月丙辰月犯  
太白月比星南同在柳宿 十一月己未熒惑守軒轅  
至戊辰退行其色稍怒

章宗明昌二年十二月戊子水星金星相犯有光芒 三年

三月戊戌熒惑順行犯太微西藩上將 四月己未熒

惑掩右執法色怒而稍赤 四年八月己亥歲星留胃

十三度守天廩 承安五年六月庚戌月掩太白 泰

和六年八月辛亥歲星晨見至夜五更與東井距星相

去七寸內癸丑熒惑與輿鬼積尸氣相犯七寸內庚申

在輿鬼積尸氣中 十月丙午歲星犯東井距星 十

一月壬午太白入氐 七年三月癸丑月掩軒轅大星

九月己卯初更月在南斗魁中旦歲星在輿鬼中

五珓

衛紹王太安元年十月丙寅歲星犯左執法 三年正月

乙酉熒惑入氐中凡十有一日乃出二月犯房閏月犯

鍵閉星十月癸巳犯壘壁陣

宣宗貞祐元年十一月丙子熒惑入壘壁陣 二年十一

月庚辰填星犯太微東垣上相辛巳熒惑犯房鉤鈴

三年七月己卯月入畢至戊 夜犯畢大星 四年閏

七月辛丑月犯畢十一月己丑犯畢大星十二月戊午

復如之 興定元年正月乙酉月犯畢左股第二星九

月癸巳犯東井西扇第二星 二年十月庚申月犯軒



轅左角之少民星 三年八月丁卯歲星犯輿鬼東南  
 星 四年正月庚子月犯東井 三月甲寅歲星犯輿  
 鬼積尸氣 六月戊辰月犯填星 十一月壬辰歲星  
 犯靈臺北第一星 五年九月庚戌歲星犯左執法  
 閏十二月戊子熒惑犯軒轅甲午月犯熒惑 六年正  
 月辛酉月犯熒惑壬戌犯軒轅 四月丙寅歲星犯太  
 微左執法 元光二年八月乙亥熒惑入輿鬼掩積尸  
 氣十月壬午犯靈臺十一月又犯心大星  
 哀宗正大元年正月丙午月犯昴三月癸丑犯熒惑是月

王珉

熒惑逆行犯左執法四月癸酉犯右執法 三年十一  
 月丙辰月掩熒惑庚申熒惑犯壘壁陣 十二月熒惑  
 入月 四年六月丙辰太白入井 七月丁亥熒惑犯  
 斗從西第二星 五年五月乙酉月掩心大星  
 章宗明昌二年十一月乙丑危宿在羽林軍上壘壁陣下  
 光芒明大  
 元  
 太宗癸卯年夏五月熒惑犯房星  
 世祖中統元年五月乙未熒惑入南斗留五十餘日 二

年二月丁酉太陰掩昴六月戊戌犯角 八月丙午太  
 白犯歲星 十一月庚午太陰犯昴 十二月辛卯熒  
 惑犯房壬寅熒惑犯鈞鈴 至元元年二月丁卯太陰  
 犯南斗四月辛亥犯軒轅御女星五月丙戌犯房己亥  
 犯昴十二月甲子犯房 二年六月丙子太陰犯心宿  
 大星 四年八月庚申填星犯天鐫距星壬午太白犯  
 軒轅大星 甲子歲星犯軒轅大星 十一月乙巳填  
 星犯天鐫距星 五年正月甲午太陰犯井二月戊子  
 犯天關己丑犯井 六年十月庚子太陰犯辰星 七

玉璣

年正月己酉太陰犯畢九月丁巳犯井 十月庚午太  
 白犯右執法 十一月壬寅熒惑犯太微西垣上將  
 八年正月辛未太陰犯畢 三月丁亥熒惑犯太微西  
 垣上將 九月丙子太陰犯畢 九年五月乙酉太白  
 犯畢距星 九月戊寅太陰犯御女 十月戊戌熒惑  
 犯填星 十一月丁卯太陰犯畢 十一年二月甲寅  
 太陰犯井宿 十月壬戌歲星犯壘壁陣 十二年七  
 月癸酉太白犯井辛卯太陰犯畢 九月己巳太白犯  
 少民己卯犯太微西垣上將 十月癸丑太陰犯畢十



一月丙戌犯軒轅大星 十二月戊戌填星犯亢戌申  
太陰犯畢 十三年九月辛亥太白犯南斗甲寅入南  
斗 十二月乙卯太陰犯填星辛酉熒惑掩鈎鈴 十  
五年二月丁丑熒惑犯天街 三月丁亥太陰犯太白  
戊子犯熒惑 十六年四月癸卯鎮星犯鍵閉 七月  
丙寅如之 八月庚寅太陰犯房宿距星庚子歲星犯  
軒轅大星 十月丙申太陰犯太微西垣上將十一月  
癸丑犯熒惑 十七年四月庚子歲星犯軒轅大星是  
月又犯南斗 七月戊申太陰犯掩房宿距星己酉犯

王琰

南斗八月丙子犯心宿東星甲子犯右執法并犯歲星  
十八年五月歲星犯右執法 七月癸卯太陰犯房  
距星 閏八月癸巳朔熒惑犯司怪南第二星庚戌太  
陰犯昴九月甲申犯軒轅大星十一月甲申犯五車次  
南星丁丑犯鬼丁亥掩心十二月丙午犯軒轅大星  
二十年正月己巳太陰犯軒轅御女庚辰入南斗犯距  
星二月庚寅掩昴庚子太白犯昴壬寅如之 乙巳太  
陰犯心 三月己未歲星犯鍵閉庚申太陰犯井壬戌  
犯鬼乙巳歲星犯房癸酉歲星掩房 四月己亥太陰

犯房壬寅犯南斗五月丙寅掩心秋七月復掩昴丙辰  
太白犯井癸亥太陰犯南斗乙丑太白犯井庚午熒惑  
犯司恆 八月丙午太白犯軒轅丁未歲星犯鈞鈴  
九月壬子太白犯軒轅少女戊午太陰犯斗己巳太白  
犯右執法壬申太陰掩井癸酉熒惑犯鬼甲戌太陰犯  
鬼熒惑犯積尸氣太白犯左執法 十月丙申太陰犯  
昴 十一月戊寅太白歲星相犯 十二月甲辰太陰  
掩熒惑 二十一年閏五月戊寅朔填星犯斗 七月  
甲申太白犯熒惑九月癸巳犯南斗第四星乙未太陰

王珉

犯井十月己酉犯軫十一月丙戌犯昴己丑掩輿鬼庚  
子犯心 二十二年二月辛亥太白犯東井癸丑犯鬼  
壬戌犯心癸亥犯入東井 十二月己亥歲星犯填星  
二十三年正月太陰犯昴壬午犯軒轅太民乙酉犯  
氐二月丙午犯井 三月癸巳歲星犯壘壁陣己巳太  
陰犯婁 五月己巳熒惑犯太微西垣上將庚辰歲星  
犯壘壁陣乙酉熒惑犯太微右執法 六月丙申朔太  
白犯御女八月乙卯太白犯軒轅右角星 九月甲申  
太陰犯天關 十月壬寅太白犯左執法甲午朔太白



犯右執法戌戌太陰犯建星辛亥犯東井甲寅太白犯  
進賢 十一月戌辰太白犯亢己卯太陰犯東井辛巳  
歲星犯壘壁陣 十二月戌戌太白犯東咸丁未太陰  
犯井丁巳犯氐 二十四年正月甲戌太陰犯東井乙  
酉犯房二月庚子犯天關辛丑犯東井閏二月癸亥犯  
辰星甲申犯牽牛三月丙申犯東井四月癸酉犯氐甲  
戌犯房乙亥犯氐七月戌戌犯南斗辛丑犯牽牛壬寅  
熒惑犯輿鬼積尸氣甲辰犯輿鬼壬子太陰犯司恆  
八月癸亥太白犯亢丙子填星南犯壘壁陣己卯太陰

玉珞

犯天關辛巳犯東井甲申太白犯房 九月丁酉熒惑  
犯長垣庚子太白犯天江乙巳太陰犯畢辛亥熒惑犯  
太微西垣上將壬子太白犯南斗 十月壬戌太陰犯  
牽牛大星乙酉熒惑犯左執法 十一月壬辰太白犯  
壘壁陣太陰暈太白填星丙申熒惑犯太微東垣上將  
丙辰熒惑犯進賢十二月丙寅太陰犯畢 二十五年  
正月乙巳太陰犯角戊申犯房 三月丁亥熒惑犯太  
微東垣上相戊子太陰犯畢己亥掩角四月戊午犯井  
五月戊申太白犯畢六月甲戌犯井丁丑太陰犯歲

星 七月己亥熒惑犯氐庚子太白犯鬼乙巳太陰掩  
畢 八月丙辰熒惑犯房己未太白犯軒轅大星 九  
月癸未朔熒惑犯天江庚子太陰犯畢癸卯熒惑犯南  
斗 十二月辛酉太陰犯畢甲子犯井甲戌犯亢熒惑  
犯壘壁陣 二十六年正月辛丑太陰犯氐三月甲午  
犯亢 五月壬辰太白犯鬼 七月辛卯太陰犯牛乙  
未犯歲星 九月戊寅歲星犯井乙未太陰犯畢辛丑  
熒惑犯太微西垣上將 十月癸丑太陰犯斗宿距星  
甲寅熒惑犯石執法 閏十月丁亥辰星犯房己丑太

玉璣

陰犯畢熒惑犯進賢太陰犯井 十一月丁巳熒惑犯  
亢戊辰太陰犯亢 二十七年正月庚戌太白犯斗癸  
丑太陰犯井丁卯熒惑犯房壬申犯鍵閉 二月戊寅  
太陰犯畢庚寅犯亢 三月壬子熒惑犯鉤鈐 四月  
丙子太陰犯井壬辰熒惑守氐十餘日 五月乙丑太  
陰犯填星 六月己丑熒惑犯房七月辛酉犯天江  
九月癸卯歲星犯鬼 十月辛巳太白犯斗 十一月  
戊申太陰掩填星辛酉掩左執法十二月辛卯犯亢  
二十八年二月癸未太陰犯左執法甲申太白犯昴



三月丁未太陰犯御女己酉犯右執法庚戌犯太微東垣上相乙卯太白犯五車 四月乙未歲星犯輿鬼積尸氣 五月壬寅太陰犯少民甲寅犯牛六月辛卯犯畢 七月己亥太白犯井八月丙寅犯輿鬼丙子太陰犯牽牛癸未歲星犯軒轅大星戊子太白犯軒轅大星并犯歲星癸己太陰犯熒惑 九月丙辰熒惑犯左執法戊午太白犯熒惑辛酉歲星犯少民 十月丙戌太陰犯軒轅大星并御女己丑太陰犯太微東垣上相十一月甲辰犯房丙午熒惑犯亢丁未太陰犯畢庚申熒

玉致

惑犯氐 十二月庚辰太陰犯御女癸未犯東垣上相己丑熒惑犯房庚寅犯鈎鈐 二十九年正月戊申太陰犯歲星及軒轅左角二月己巳犯畢四月丙子犯氐 六月己丑太白犯歲星 閏六月戊申熒惑犯狗國 七月辛未太陰犯牛 八月丁酉辰星犯右執法己亥太白犯房乙巳歲星犯右執法 九月壬戌熒惑犯壘壁陣辛己太白犯南斗 十月乙巳太陰犯井丁未犯鬼乙卯犯氐十一月壬戌犯壘壁陣己卯太陰犯太微東垣上將 十二月庚子太陰犯井甲辰犯太微西

垣上將 三十年正月丙寅太陰犯畢丁丑犯氐庚辰  
 歲星犯左執法 十二月壬辰太陰犯畢乙巳熒惑犯天  
 街庚戌太陰犯牛癸丑犯壘壁陣 三月辛未太陰犯  
 氐 四月癸丑太白犯填星 六月己丑歲星犯左執  
 法丙申太陰犯斗 七月甲子太陰犯建星辛丑犯鬼  
 八月甲午辰星犯太微西垣上將甲辰太陰犯畢戊  
 申犯鬼 九月丁卯太陰犯畢 十月丙申熒惑犯亢  
 己亥太陰犯天關辛丑犯井 十一月乙丑太陰犯畢  
 丁卯犯井庚子犯鬼丙子熒惑犯鈎鈐戊寅歲星犯亢

玉璣

十二月乙未太陰犯井 三十一年四月戊申太白  
 犯鬼 五月庚戌朔太白犯輿鬼 六月丙午太陰犯  
 井 八月戊戌太陰犯畢太白犯軒轅 九月丙寅太  
 陰掩填星辛未犯軒轅乙亥太白犯右執法太陰犯平  
 道 十月壬午太白犯左執法癸巳太陰掩填星乙未  
 犯井 十一月己酉太陰犯亢庚申犯畢癸酉太白犯  
 房 十二月癸未歲星犯房丁亥犯鈎鈐壬辰太陰犯  
 鬼庚子犯房又犯歲星

成宗元貞元年正月乙卯太陰犯填星又犯畢癸酉歲星



紀東咸 二月癸未熒惑犯太陰壬辰太陰犯平道癸  
卯犯歲星 三月庚戌太陰犯填星壬戌犯房四月庚  
寅犯東咸 閏四月癸丑歲星犯房甲寅太陰犯平道  
乙卯犯亢丁巳掩房 五月丁亥太陰犯南斗七月丁  
丑犯亢甲申歲星犯房 八月乙酉太陰犯牛壬子犯  
壘壁陣九月甲午犯軒轅戌戌犯平道 十月辛酉辰  
星犯房壬戌犯鍵閉戌辰太陰犯房 十一月甲戌太  
白犯壘壁陣乙酉太陰犯井丁亥犯鬼十二月丙辰犯  
軒轅甲子犯天江 二年正月壬午太陰犯輿鬼丁亥

王政

犯平道庚寅犯鈎鈐二月丁未犯井三月乙酉犯鈎鈐  
五月丁丑犯平道 六月乙巳太白犯天關丁巳犯填  
星癸亥太陰犯井 七月壬午填星犯井太白犯輿鬼  
八月庚子太陰犯亢太白犯軒轅癸卯太陰犯天江  
乙卯犯天街太白犯上將 九月戊辰太白犯左執法  
壬申太陰掩南斗丁丑犯壘壁陣己丑犯軒轅十一月  
丁丑犯月星又犯天街庚辰犯井丁亥犯上相戊子犯  
平道壬辰犯天江十二月丁未犯井乙卯犯進賢 大  
德元年三月戊辰熒惑犯井癸酉太陰掩軒轅大星

五月癸酉太白犯鬼積尸氣乙亥太陰犯房七月庚午  
 如之九月辛酉朔祿星犯奎十二月甲辰太白犯  
 東咸丙午太陰犯軒轅甲寅犯心閏十二月癸酉太  
 白犯建星丙子如之二年二月辛酉熒惑犯歲星辛  
 未太陰犯左執法丙子犯心五月戊戌犯心六月壬戌  
 犯角七月癸巳犯心八月壬戌犯箕九月辛丑犯五車  
 南星癸卯犯五諸侯己酉犯左執法十月壬戌太白  
 犯牽牛戊寅太陰犯角宿距室十一月己亥犯輿鬼辛  
 丑辰星犯牽牛壬寅太陰犯右執法十二月己未鎮

五珠

星犯輿鬼乙丑太白犯歲星太陰犯熒惑庚午填星入  
 輿鬼太陰犯上將己卯犯南斗三年正月丙戌太陰  
 犯太白丁酉犯西垣上將戊戌犯右執法三月乙巳  
 熒惑犯五諸侯戊戌犯輿鬼四月己未太陰犯上將  
 丙寅填星犯輿鬼太白犯心五月丙申犯南斗己亥太  
 白犯畢六月庚申太陰掩房丁卯熒惑犯右執法  
 七月己卯朔大白犯井丁未太陰犯輿鬼八月丁巳犯  
 箕戌辰太白犯軒轅大星己巳太陰犯五車星九月乙  
 未犯昴宿距星丁酉太白犯左執法十月丙子太陰



犯房 十一月乙酉太白犯房 四年二月戊午太陰  
 犯軒轅五月甲午犯壘壁陣辛丑太白犯輿鬼太陰犯  
 昂 六月丁巳太白犯填星 七月辛卯熒惑犯井  
 八月癸丑太陰犯井甲子辰星犯靈臺上星 閏八月  
 庚辰熒惑犯輿鬼 九月戊午太白犯斗壬戌太陰犯  
 輿鬼甲子太白犯斗 十二月庚寅熒惑犯軒轅癸巳  
 太陰犯房宿距星 五年正月己酉太陰犯五車壬子  
 犯輿鬼積尸氣辛酉犯心二月己卯犯輿鬼三月戊申  
 犯女丁卯熒惑犯填星 四月壬申太陰犯東井

王璣

癸丑犯南斗乙卯熒惑犯石執法丁卯太白犯井 六  
 月甲申歲星犯司恠己酉太白犯輿鬼歲星犯井甲午  
 太白犯輿鬼 七月丙午歲星犯井辛亥太陰犯壘壁  
 陣庚申辰星犯太白 八月壬辰太陰犯軒轅御女乙  
 未填星犯太微上將 十月癸未太陰犯東井 十一  
 月己亥歲星犯東井戊申太陰犯昂 十二月甲戌歲  
 星犯司恠辛卯太陰犯南斗 六年正月壬戌填星犯  
 太微西垣上將 二月庚午太陰犯昂三月壬寅犯輿  
 鬼癸卯歲星犯井壬寅太陰犯鈞鈐 四月乙丑朔太

白犯東井戌寅太陰犯心庚寅太白犯輿鬼 六月癸  
亥朔填星犯太微西垣上將乙亥太陰犯斗 七月庚  
子太陰犯心戊午犯熒惑 八月乙丑熒惑犯歲星己  
巳犯輿鬼辛巳太陰犯昴壬午太白犯軒轅 九月丙  
午熒惑犯軒轅癸丑太陰犯輿鬼丁巳太白犯右執法  
十月壬午熒惑犯太微西垣上將 十一月辛亥填  
星犯左執法乙未辰星犯房癸卯太陰犯昴己酉犯軒  
轅 十二月庚申朔熒惑犯填星乙丑歲星犯輿鬼乙  
亥太陰犯輿鬼庚辰熒惑犯太微東垣上相癸未太陰

王琰

犯房 七年正月戊戌太陰犯昴甲辰犯軒轅二月戊  
寅犯心四月癸亥犯東井丙寅犯軒轅乙亥歲星犯輿  
鬼太陰犯南斗甲申熒惑犯太微垣右執法丁亥歲星  
犯輿鬼 五月壬辰辰星犯東井 閏五月戊辰太陰  
犯心 七月戊寅歲星犯軒轅己卯太陰犯井乙酉熒  
惑犯房 八月癸巳太白犯氐甲午熒惑犯東成太陰  
犯牽牛乙巳歲星犯軒轅辛亥熒惑犯天江 九月辛  
未熒惑犯南斗甲戌太陰犯東井乙亥太白犯南斗壬  
午辰星犯氐 十月辛丑太陰犯東井 十一月丙寅



填星犯進賢戊辰太陰犯東井己卯犯東歲 十二月  
 丙戌熒惑犯壘壁陣丙申太陰犯東井辛丑犯明堂丁  
 未犯天江 九年正月丁巳太陰犯天關甲子犯明堂  
 己巳犯東歲 三月甲寅熒惑犯氐戊午歲星犯左執  
 法 四月庚辰太陰犯井壬辰太白犯井 五月癸亥  
 歲星掩左執法 七月丙午熒惑犯氐丁卯犯房 八  
 月辛巳太陰犯東歲乙未熒惑犯天江 九月丁巳熒  
 惑犯斗 十一月癸丑歲星犯亢 十二月丙子太陰  
 犯西咸庚寅熒惑犯壘壁陣己亥辰星犯建星 十年

玉璣

正月丁巳太白犯建星 閏正月癸酉太白犯牽牛己  
 丑犯壘壁陣 二月戊午太陰犯氐 三月戊寅歲星  
 犯亢 四月辛酉填星犯亢 六月癸丑太陰犯羅壘  
 上星己未歲星犯亢 七月庚辰太陰犯牽牛 八月  
 壬寅歲星犯氐熒惑犯太微垣上將九月己巳犯太微  
 垣左執法壬午犯太微垣左執法 十月甲辰太白犯  
 斗辛亥太陰犯畢甲寅犯井 十一月辛未歲星犯房  
 壬申太陰犯虛甲戌熒惑犯亢戊子犯氐辛卯太陰犯  
 熒惑 十二月乙巳歲星犯東歲戊午太陰犯氐 十

一年六月丙午太陰犯南斗杓星己巳犯亢 七月壬  
午熒惑犯南斗 九月癸酉太白犯右執法己卯犯左  
執法十月乙巳犯亢己酉熒惑犯壘壁陣甲寅太陰犯  
明堂己未犯太白 十一月丁卯太白犯房丙子太陰  
犯東井乙酉犯亢辛卯辰星犯歲星 十二月丁巳填  
星犯鍵閉

武宗至大元年正月辛未太陰犯井甲申犯填星二月丁  
未犯亢甲寅犯牛距星三月乙丑犯井 五月癸未大  
白犯輿鬼壬申犯左執法 八月壬子太陰犯軒轅太

玉璣

民 九月壬申鎮星犯房丙子太陰犯井癸未犯熒惑  
十月辛丑太白犯南斗 十一月癸亥熒惑犯亢己  
巳太陰掩畢甲戌熒惑犯氐乙亥辰星犯填星 閏十  
一月壬寅熒惑犯房丁未太陰犯亢 十二月甲子太  
陰犯畢丙子犯氐戊寅太白掩建星 二年二月己巳  
太陰犯亢辛未犯氐庚辰犯太白三月戊戌犯氐己亥  
熒惑犯歲星丙午犯壘壁陣 五月辛卯太陰犯亢  
六月乙卯太白犯井癸酉辰星犯輿鬼乙亥太陰掩畢  
八月乙亥犯軒轅丁丑犯右執法九月丙午犯進賢十



月壬申犯左執法十一月己亥犯右執法庚子犯上相  
 辛丑熒惑犯外屏 十二月庚申太陰犯參癸亥辰星  
 犯歲星辛未太白犯壘壁陣 三年正月壬辰太陰犯  
 軒轅御女甲午犯右執法丙申犯平道 二月辛亥熒  
 惑犯月星庚申犯天街太陰犯軒轅少民壬戌犯左執  
 法 太白犯月星 三月甲申太陰犯井庚寅犯氐  
 丙 太白犯井甲寅太陰犯軒轅御女  
 五月乙酉太陰 熒惑犯輿鬼 六月乙卯  
 太陰犯氐七月戊寅犯右執法己卯犯上相 八月甲

王珉

子太白犯軒轅太民乙丑太陰掩畢大星辛巳犯建星  
 辛卯犯天廩 十月丙午太白犯左執法癸丑熒惑犯  
 亢 十一月甲戌朔太白犯亢丁亥太陰犯畢十二月  
 甲辰朔犯羅堰庚申犯軒轅大星辛酉太白犯填星丙  
 寅犯氐 四年二月甲子太陰犯填星三月丙戌犯太  
 微上將四月甲寅犯亢熒惑犯壘壁陣癸未太陰犯氐  
 五月乙未犯太微東垣上相庚戌犯氐七月癸巳掩畢  
 十月丙申犯壘壁陣十一月甲寅犯輿鬼十二月甲申  
 犯太微西垣上將

仁宗皇慶元年正月癸丑太陰犯太微東垣上相二月壬午犯亢三月丁酉朔熒惑犯東井壬寅太陰犯東井  
四月壬午熒惑犯輿鬼癸未犯積尸氣六月己巳太陰犯天關七月戊午犯東井八月戊辰太白犯軒轅辛未太陰犯填星壬午辰星犯右執法乙酉太白犯右執法丁亥辰星犯左執法九月丁巳太白犯亢  
十月丁亥太陰犯平道戊子犯亢十一月己亥掩壘壁陣十二月戊子犯熒惑二年正月戊申太陰犯三公  
三月庚子熒惑犯壘壁陣七月己丑朔歲星犯東

玉璣

井壬戌如之壬午太陰犯輿鬼延祐元年二月癸酉熒惑犯東井三月壬辰太陰掩熒惑閏三月辛酉犯輿鬼丙寅犯太微東垣五月戊午辰星犯輿鬼六月乙未熒惑犯右執法七月庚戌辰星犯東咸十月甲午太陰犯輿鬼癸卯犯房甲辰犯天江二年正月乙卯歲星犯輿鬼癸亥太陰犯軒轅丁卯犯進賢四月庚子犯壘壁陣五月辛酉犯天江六月甲申夜犯平道癸卯太白犯東井丙午辰星犯輿鬼九月己酉太陰犯房辛酉太白犯左執法三年十月甲申太白



紀三虞通二  
犯斗 四年三月乙酉太陰犯箕六月乙巳犯心 八  
月丙申熒惑犯輿鬼壬子太陰犯昴九月庚午犯斗  
六年正月戊寅太陰犯心二月己亥犯靈臺三月己巳  
犯明堂癸酉犯日星甲戌犯心五月辛酉犯靈臺丁卯  
犯房丙子犯壘壁陣 六月己亥歲星犯東咸 七月  
壬戌太陰犯心丙子太白犯太微垣右執法 八月乙  
酉熒惑犯輿鬼 閏八月壬辰星犯太微垣右執法  
丁巳太陰犯心癸亥熒惑犯軒轅甲子太陰犯壘壁陣  
乙亥太白犯東咸 十月癸亥熒惑犯太微垣左執法

王琰

乙丑太陰犯昴戊辰太陰犯東井辛未犯軒轅辛卯熒  
惑犯進賢庚子太陰犯明堂十二月丙寅犯軒轅 七  
年正月乙未太陰犯明堂上星癸卯犯斗宿東星二月  
辛酉犯軒轅御女壬戌犯靈臺丁卯犯日星庚午犯斗  
宿距星二月戊子犯酒旗上星熒惑犯進賢庚寅太陰  
犯明堂上星 四月甲寅太白犯填星壬戌太陰犯房  
宿距星五月庚寅犯心宿東星癸巳犯狗宿東星丙申  
太白犯畢宿距星 六月庚申太陰犯斗宿東星癸亥  
犯壘壁陣西二星丁卯太白犯井宿東扇第三星辛未

太陰犯昴宿 七月丁亥太陰犯斗宿東二星戊戌熒惑犯房宿上星己亥太陰犯昴宿距星 八月丙辰太白犯靈臺上星乙丑熒惑犯天江丁卯太白犯大微垣右執法壬申太陰犯軒轅御女 九月乙酉太陰犯壘壁陣西二星丙戌熒惑犯斗宿癸巳太陰犯昴宿東星己亥犯太白犯亢星 十月庚戌太陰犯熒惑于斗癸亥犯井宿 十一月癸卯熒惑犯壘壁陣乙卯太陰掩昴宿戊午犯井宿東星庚申犯鬼宿

續文獻通考卷之二百十七終

續文獻通考卷之二百十八

皇明進士雲間王圻纂輯

象緯考 太陰五星陵犯下

英宗至治元年正月乙未太陰掩房宿距星甲辰辰星犯外屏西第一星 二月辛酉太白犯熒惑天亥太陰犯心宿大星又犯心宿東星三月丁丑掩昴宿四月戊午犯心宿大星庚申犯斗宿東第三星 五月戊寅太白犯鬼宿積尸氣太陰犯軒轅右角庚辰犯明堂中星六月己未犯虛梁東第二星七月癸巳犯昴宿八月丁未



太陰犯昴宿 七月丁亥太陰犯斗宿東二星戊戌熒惑犯房宿上星己亥太陰犯昴宿距星 八月丙辰太白犯靈臺上星乙丑熒惑犯天江丁卯太白犯大微垣右執法壬申太陰犯軒轅御女 九月乙酉太陰犯壘壁陣西二星丙戌熒惑犯斗宿癸巳太陰犯昴宿東星己亥犯太白犯亢星 十月庚戌太陰犯熒惑于斗癸亥犯井宿 十一月癸卯熒惑犯壘壁陣乙卯太陰掩昴宿戊午犯井宿東星庚申犯鬼宿

續文獻通考卷之二百十七終

續文獻通考卷之二百十八

皇明進士雲間王圻纂輯

象緯考 太陰五星陵犯下

英宗至治元年正月乙未太陰掩房宿距星甲辰辰星犯外屏西第一星 二月辛酉太白犯熒惑天亥太陰犯心宿大星又犯心宿東星三月丁丑掩昴宿四月戊午犯心宿大星庚申犯斗宿東第三星 五月戊寅太白犯鬼宿積尸氣太陰犯軒轅右角庚辰犯明堂中星六月己未犯虛梁東第二星七月癸巳犯昴宿八月丁未

犯心宿前星己酉犯斗宿西第二星壬子熒惑犯軒轅  
大星九月乙亥犯靈臺東北星壬午犯太微西垣上將  
丁酉犯太微垣右執法十月戊申犯太微垣左執法十  
一月辛未犯進賢丙子太陰犯虛梁東第一星戊寅辰  
星犯房宿上星丙戌太陰犯井宿東扇北第二星己丑  
犯酒旗西星又犯軒轅右角辛酉犯明堂中星己亥太  
白犯西咸南第一星 十二月甲辰熒惑亢犯宿南第  
一星庚戌太陰犯昴宿東第一星辛酉熒惑入氏宿  
二年正月丁丑太陰犯昴宿距星庚辰太白犯建星西

第二星辛巳犯建星西第三星辛卯太陰犯心宿大星  
甲午熒惑犯房宿上星丁酉太白犯牛宿南第一星  
二月己亥朔熒惑犯鍵閉星丙午犯罰星南一星戊申  
太陰犯井宿東扇北第二星庚戌熒惑犯東咸北第二  
星辛亥太陰犯酒旗西第一星及軒轅右角星壬子太  
白犯壘壁陣西第二星癸丑太陰犯明堂中星己未太  
陰犯天江南第一星壬戌太白犯壘壁陣第六星 五  
月丙午熒惑退犯東咸南第一星六月壬申犯心宿距  
星七月己亥犯天江南第一星戊午太陰犯井宿鉞星



九月己未犯明堂中星十月庚辰犯井宿距星辛巳犯  
井宿東扇北第二星及第三星己丑熒惑犯壘壁陣西  
第六星十一月甲辰太白犯壘壁陣第一星乙巳熒  
惑犯壘壁陣西第八星戊申太陰犯井宿東扇北第二  
星己未犯東咸南第一星庚申犯天江上第二星辛酉  
熒惑犯歲星十二月乙丑太白犯壘壁陣西第八星  
乙亥太陰掩井宿距星戊寅太白犯歲星己丑熒惑犯  
外屏西第三星太陰犯建星西第一星三年正月壬  
寅太陰犯鉞星又犯井宿距星癸卯犯井宿東扇南第

二皇二月癸酉太白犯昴宿辛巳太陰犯東咸南第  
一第二星五月癸卯犯房宿第二星庚戌太白犯畢宿  
右股第三星六月癸未填星犯畢宿距星九月辛卯  
又退犯畢十月己巳太白犯亢丙子犯氏十一月  
己丑朔熒惑犯亢庚寅太白犯鉤鈐乙未犯東咸壬寅  
房辛巳犯東咸

泰定帝泰定元年五月丙午太白犯鬼宿丁未又犯鬼宿  
積尸氣十月丙寅犯斗宿距星己巳入斗宿魁太陰犯  
填星庚午太白犯斗壬午熒惑犯壘壁陣十二月庚午

犯外屏 二年正月丙戌辰星犯天鷄壬寅太白犯建  
星 六月丙戌填星犯井宿鉞星丙午犯井宿 八月  
癸巳歲星犯天鐔 十月壬辰熒惑犯氐宿癸巳填星  
退犯井宿十一月戊午又退犯井宿鉞星 十二月乙  
酉熒惑犯天江辰星犯建星甲午太白犯壘壁陣 三  
年正月辛酉太白犯外屏 三月丙午填星犯井宿鉞  
星戊辰熒惑犯壘壁陣填星犯井宿 四月戊戌太白  
犯鬼宿壬寅熒惑犯壘壁陣 九月壬戌太白犯太微  
垣右執法十月辛巳犯進賢 四年正月己酉太白犯

牛宿三月丁卯熒惑犯井宿 九月壬子太白犯房宿  
十月戊午辰犯東咸 十一月癸酉太白犯壘壁  
陣熒惑犯天江 十二月己未歲星退犯太微西垣上  
將 致和元年七月丙戌太白犯軒轅太星  
文宗天曆元年九月庚辰太白犯亢宿 二年正月甲子  
太白犯壘壁陣 二月己酉熒惑犯井宿 五月庚申  
太白犯鬼宿積尸氣 十一月癸酉太陰犯填星 至  
順元年七月庚午歲星犯氐宿 八月戊辰太白犯氐  
宿 九月己丑熒惑犯鬼宿甲午如之 十一月甲申



又犯鬼宿丙戌太白犯壘壁陣 二年二月壬子太白  
犯昴 三月丙子朔熒惑犯鬼宿己卯犯鬼宿積尸氣  
五月丁丑犯軒轅左角甲午太白犯畢宿庚子太陰犯  
太白六月丁卯犯畢太白犯井 八月乙卯太白犯軒  
轅太星庚申犯軒轅左角九月丙子犯填星十一月壬  
申朔犯鈎鈴 三年五月癸酉熒惑犯東井 十月己  
酉太白犯斗

順帝元統元年二月己亥填星退犯太微東垣上相丙辰  
太陰犯天江下星三月戊寅犯太微東垣上相 五月

丁酉熒惑犯太微垣右執法 六月丁丑太陰犯壘壁  
陣西第二星七月己亥犯房宿北第二星九月甲午犯  
東咸西第一星填星犯進賢乙未太陰犯天江下星丁  
巳犯填星己未犯氏宿距星十月甲子入犯斗宿魁東  
北星十一月甲午犯壘壁陣西方第二星辛亥犯太微  
東垣上相壬子犯填星癸丑犯亢宿南第一星癸酉犯  
鬼宿東北星乙亥太白犯壘壁陣西第八星太陰犯軒  
轅夫人星己卯犯進賢癸未犯東咸西第二星 二年  
正月壬寅太陰犯軒轅夫人星庚戌犯房宿北第二星

二月癸酉犯太微東垣上相三月辛丑犯進賢又犯填  
星 四月壬午太白犯鬼宿積尸氣 七月壬子熒惑  
入犯鬼宿積尸氣 八月己卯太白犯軒轅御女星  
九月壬辰太陰入南斗魁癸巳犯狗國東星太白犯靈  
臺中星乙巳太白犯太微垣右執法壬子犯太微垣左  
執法 十月癸亥熒惑犯太微西垣上將太白犯進賢  
乙亥太陰犯軒轅夫人星太白犯填星 十一月乙未  
填星犯亢宿距星庚戌熒惑犯太微東垣上相 至元  
元年二月甲戌熒惑逆行入太微垣 四月壬戌太陰

犯太微垣左執法五月癸卯犯壘壁陣東方第四星  
六月壬戌犯心宿大星七月乙未犯壘壁陣西方第二  
星 八月辛亥熒惑犯氏宿東南星 九月丁亥太陰  
入魁犯斗宿東南星庚寅犯壘壁陣西方第二星十月  
甲寅熒惑犯斗宿西第二星庚申太陰犯壘壁陣東方  
第二星甲子犯昴宿西第二星丁卯太白犯斗宿魁第  
三星 十一月己丑辰星犯房宿上星及鈎鈴星丙申  
太陰犯鬼宿東北星己亥犯太微西垣上將庚子犯大  
微垣左執法十二月壬子犯壘壁陣西方第二星辛酉



太白犯壘壁陣東方第六星乙丑太陰犯軒轅夫人星  
又犯太微右執法 閏十二月乙酉熒惑犯壘壁陣西  
第八星庚子太陰犯心宿大星壬寅犯箕宿距星癸卯  
犯斗宿魁東南星 二年正月壬戌太陰犯太微垣右  
執法甲子犯角宿距星丁卯犯房宿距星二月辛巳犯  
昴宿距星己丑犯太微西垣右執法三月壬戌犯心宿  
距星甲子犯箕宿距星乙丑犯斗宿東南星四月丙戌  
犯角宿距星五月庚戌犯靈臺西第一星 六月戊子  
太白犯井宿東扇北第二星七月己酉犯鬼宿東南星

乙卯犯熒惑 八月己卯太陰犯心宿東第一星辛巳  
犯箕宿東北星 九月庚戌熒惑犯太微西垣上將  
十月丙子熒惑犯太微垣左執法丁亥太陰犯昴宿己  
亥熒惑犯進賢 十一月己酉太陰犯壘壁陣西第八  
星己未犯鬼宿積尸氣丁卯犯房宿距星 三年正月  
太陰犯昴三月辛亥犯靈臺上星四月辛卯犯壘壁陣  
西方第五星 五月壬寅太白犯鬼宿東北星乙己太  
陰犯軒轅左角壬子犯心宿後星己未犯壘壁陣西方  
第六星 六月乙亥太白犯靈臺上星己卯犯太微西

垣上將壬午太陰犯斗宿魁头星丁亥太白犯太微垣  
右執法甲戌太陰犯心宿後星 九月己亥熒惑犯斗  
宿西第二星甲辰太陰犯斗宿魁第二星丁未犯壘壁  
陣西第一星己酉犯壘壁陣西第八星辛酉犯軒轅太  
星 十月丙子太陰犯壘壁陣西方第七星壬子犯昴  
宿上行星丁亥犯鬼宿積尸氣 十一月戊戌太白犯  
亢宿距星壬寅太陰犯熒惑癸卯犯壘壁陣西第六星  
丁未填星犯鍵閉辛亥太陰犯五車東南星甲寅犯鬼  
宿西北星丙辰犯軒轅左角丁巳犯太微垣三公東南

星 十二月己巳歲星退犯天鐔東北星填星犯罰星  
南第一星甲戌熒惑犯壘壁陣東第五星太白犯東咸  
上星 四年正月癸卯太白犯建星西第二星甲辰犯  
建星西第三星丙午太陰犯五車東南星辛亥犯軒轅  
左角己未填星犯東咸上星庚申太陰入斗魁太白犯  
牛宿 二月戊寅太陰犯軒轅太星己卯犯靈臺中星  
三月戊申填星退犯東咸上星六月辛巳又退犯鍵  
閉星 八月太陰犯昴 閏八月己亥填星犯罰星南  
第一星太陰犯斗宿南第二星庚戌犯昴宿南第二星



乙卯犯鬼宿東南星 九月丙寅太陰犯斗宿距星戊  
辰太白犯咸上第二星甲申太陰犯軒轅御女東乙酉  
犯靈臺南第一星庚寅太白犯斗宿北第二星 十月  
辛亥陰犯酒旗上星 十一月辛未熒惑犯氏宿距  
星丁丑太陰犯鬼宿東南星戊寅太白犯壘壁陣西第  
六星 十二月太陰復犯昴庚子熒惑犯房宿上星壬  
子犯東咸上第二星乙卯太白犯外屏西第二星太陰  
犯斗宿距星 五年正月庚午太陰犯井宿東扇上星  
乙亥熒惑犯天江上星 二月甲午太陰犯昴宿上西

第一星壬寅犯靈臺下星 四月壬寅犯日星及房宿  
距星五月庚午犯心宿後星壬申犯斗宿西第四星丙  
子太白犯畢宿右股西第三星 六月甲辰熒惑退入  
南斗魁內 七月辛酉犯南斗魁尖星壬戌如之甲子  
復如之又犯房宿距星 八月甲午太陰犯斗宿西第  
四星丁酉太白犯軒轅大星乙巳太陰犯昴宿上行西  
第三星 十月己亥熒惑犯壘壁陣西方第六星 十  
一月丁巳犯壘壁陣東方第五星 十二月甲午太陰  
犯昴宿距星癸丑熒惑犯外屏西第三星 六年正月

丁卯太陰犯鬼宿距星乙亥犯房宿距星二月己丑犯  
昴宿丙申犯太微西垣上將癸卯犯心宿大星丁未犯  
羅堰南第一星戊申熒惑犯月星太陰犯虛梁南第二  
星 三月癸亥犯軒轅右角庚午犯房宿距星壬申犯  
南斗杓第二丙子犯虛梁南第一星戊寅太白犯月星  
星 四月乙巳太陰犯雲雨西北星五月丁卯犯斗宿  
西第二星辛未犯虛梁西第二星 六月辛亥太白犯  
歲星又太白歲星皆犯右執法 七月庚申太陰犯心  
宿距星又犯心宿中央大星甲子犯羅堰九月辛酉犯

虛梁北第一星丁卯犯昴宿距星熒惑犯歲星甲戌太  
陰犯軒轅右角 十月丁酉太白入南斗魁己亥太白  
犯斗宿中央東星 十一月乙卯太陰犯虛梁西第一  
星戊午熒惑犯氏宿距星丙寅辰星犯東咸上第一星  
戊寅辰星犯天江北第一星 十二月癸未太陰犯虛  
梁北第一星乙酉犯土公東星丁亥熒惑犯鈎鈐南星  
乙未犯東咸北第二星戊戌太陰犯明堂星 至正元  
年申寅熒惑犯天江上星庚申太陰犯井宿東扇北第  
二星辛未犯心宿距星癸酉犯斗宿北第二星 二月



癸巳犯明堂東南星三月癸酉犯雲雨西北星六月庚  
午犯井宿距星七月乙酉犯填星庚寅犯雲雨西北星  
九月庚辰犯建星南第二星壬辰犯鉞星又犯井宿距  
星 十月己卯歲星犯氏宿距星丁巳太陰 月  
十一月己亥犯東咸南第一星庚子犯天江北第二星  
十二月丁巳太白犯壘壁陣東方第五星 二年正  
月戊子太陰犯明堂北第二星甲午熒惑犯月星 三  
月戊子太陰犯房宿北第二星 四月庚申犯  
星七月乙未掩太白九月丁丑犯羅堰北第一星戊子

犯井宿東扇南第一星十月癸卯犯建星北第三星甲  
寅犯天關 三年二月甲辰太陰犯井宿西扇北第二  
星填星犯牛宿南第一星熒惑犯羅堰南第一星乙卯  
太陰犯氏宿東南星三月壬午犯氏宿東南星七月庚  
辰犯右執法 四年十二月壬戌太陰犯外屏西第二  
星 七年七月丙辰太陰犯壘壁陣東第四星 十一  
月庚戌太陰犯天廩西北星 八年二月庚辰太陰犯  
軒轅左角癸未犯平道東皇三月丙辰犯建星西第一  
星八月丙子犯壘壁陣西方第五星九月己未犯壘臺

東北星 九年正月庚戌太白犯建星東第三星辛亥  
太陰犯平道西星二月甲申犯建星西第二星 三月  
己亥太白犯壘壁陣東方第六星 七月丙午太陰犯  
壘壁陣東方南第一星癸丑犯天關 九月丙戌熒惑  
犯靈臺上星 十一月戊辰太陰犯畢宿左股北第三  
星庚辰太白犯壘壁陣西方第二星十二月戊戌犯壘  
壁陣東方第五星 十年正月壬申太陰犯熒惑二月  
辛丑犯平道東星甲辰犯鍵閉 三月己卯熒惑犯大  
微西垣上將 四月丙午太白犯鬼宿西北星 七月

辛酉太陰犯 宿北第一星 九月壬戌熒惑犯天江  
南第二星 十月癸巳歲星犯軒轅大星丙申太陰犯  
昂宿右股東第二星 十一月戊辰太陰犯鬼宿東北  
星十二月乙未犯鬼宿西北星 十一年正月丙戌辰  
星犯牛宿西南星 二月庚寅太陰犯鬼宿東北星乙  
未犯太微東垣上相丁酉犯亢宿距星 三月丁卯太  
陰犯東咸第二星戊辰犯天江西第一星七月己未犯  
斗宿東第三星壬戌太白犯右執法甲子太陰犯壘壁  
陣東方第一星己巳太白犯太微垣左執法熒惑入犯



鬼宿積尸氣 八月乙酉太陰犯天江南第二星 九  
月乙卯辰星犯太微垣左執法丁巳太白犯房宿第二  
星戊辰太陰犯鬼宿東北星 十月戊寅熒惑犯太微  
西垣上將辛巳太陰犯斗宿距星乙酉太白犯斗宿西  
第二星己丑熒惑犯歲星辛卯太白犯斗宿西第四星  
癸巳歲星犯右執法丙午熒惑犯太微垣左執法 十  
一月丁巳太陰犯填星 十二月庚辰太白犯壘壁陣  
西第六星甲申太陰犯填星丙戌太白犯壘壁陣西第  
七星丁酉太陰犯熒惑庚子辰星犯天江西第二星

十二年正月乙丑太陰犯熒惑己巳歲星犯右執法  
二月庚寅太陰犯太微東垣上相癸巳犯氏宿距星  
三月戊午太陰犯進賢壬戌犯東咸西第一星 五月  
丁酉辰星犯靈臺北第二星 八月丁卯太白犯歲星  
九月壬辰太陰犯軒轅南三星十月戊午犯鬼宿東  
北星甲子犯歲星乙丑犯亢宿南第一星十一月庚寅  
犯太微東垣上相 十三年正月乙酉太陰犯太微東  
垣上相二月己酉犯軒轅南第三星庚戌太白犯熒惑  
壬子太陰犯太微東垣上相 四月辛丑太白犯井宿

東扇北第一星辛亥太陰犯房宿北第二星五月乙亥  
犯歲星九月庚寅犯熒惑壬辰熒惑犯左執法 十月  
甲辰歲星犯氏宿距星癸亥太白犯亢宿距星 十一  
月壬申太陰犯壘壁陣第四星 十二月丁酉太白犯  
填星犯鬼宿東南星太白犯軒轅大星己酉歲星犯壘  
壁陣西方第六星甲子太陰犯五車尖星 閏九月丙  
午犯斗宿南第三星庚申犯井宿東扇北第一星 十  
月乙亥熒惑犯氏宿距星甲申太陰掩昴宿 十二月  
庚午朔熒惑犯天江北第一星戊寅太白犯歲星庚辰

太白犯壘壁陣東方第五星甲申太陰犯鬼宿距星丁  
亥歲星犯壘壁陣東方第五星癸巳太陰犯心宿後星  
十八年正月辛丑填星退入犯鬼宿積尸氣丙午太  
陰犯昴宿 二月乙亥填星入守鬼宿積尸氣 三月  
丁卯熒惑犯壘壁陣東方第六星 四月辛卯太白入  
犯鬼宿積尸氣五月壬寅犯填星壬子太陰犯斗宿東  
第三星七月丁未犯斗宿南第三星八月壬申掩心宿  
大星甲申掩昴宿距星十月己卯犯昴宿距星十一月  
丙午犯昴宿距星太白犯房宿上第一星辛酉太陰掩



心宿大星 十二月戊子太陰犯房宿南第二星 十  
九年正月辛丑太陰犯昴宿東第一星 三月庚戌犯房  
宿距星 五月丙申熒惑入犯鬼宿積尸氣丙午太陰  
犯天江南第一星 丁未太陰犯斗宿北第二星 七月  
丁酉太白犯上將甲辰犯右執法己酉犯左執法 九  
月甲寅入犯天江南第一星 十月壬申入犯斗宿南  
第三星十一月犯斗十二月戊辰犯壘壁陣西方第七  
星 二十年正月己亥太陰犯井宿東扇北第二星丙  
辰熒惑犯斗宿東角星 四月丁卯太陰犯明堂中星

癸酉犯東咸西第一星 五月癸卯犯建星西第二星  
六月癸巳太白犯井宿扇北第二星 戊戌太陰犯建東  
星西第三星 七月丁丑犯井宿距星 八月辛卯犯天江  
北第二星 壬宿填星犯太微西垣上將甲辰太陰犯井  
宿鉞星 十月戊子熒惑犯井宿東扇北第一星 二  
十一年正月庚申太陰犯歲星 二月癸未填星退犯  
太微西垣上將壬寅太陰犯天江北第一星 三月丙  
辰犯井宿西扇第二星 庚辰熒惑入犯鬼宿西北星  
五月壬戌太陰犯房宿北第二星 癸酉太白犯軒轅左

角甲戌熒惑犯太白 六月戊戌太陰犯雲雨上二星  
七月丙辰犯氏宿東南星十月甲申犯牛宿距星十一  
月庚戌犯建星西第四星癸亥犯井宿東扇四星壬申  
犯氏宿東南星 二十二年正月戊申朔太白犯建  
星西第二星 乙卯填星退犯左執法 二月己卯太  
白犯壘壁陣西第二星 五月辛酉太陰犯建星西第  
四星八月癸巳犯畢宿右股第二星 九月丁未太白  
犯亢宿南第一星己酉太陰犯牛宿北第一星癸亥歲  
星犯軒轅大星丙寅熒惑鬼宿西北星己巳惑犯鬼宿

積尸氣 十月己卯太陰犯畢宿距星丁亥辰星犯亢  
宿南第一星戊子太陰犯畢宿距星十二月壬辰犯角  
宿距星 二十二年正月庚戌退犯軒轅大星 三月  
丙辰太陰犯氏宿距星 四月辛丑熒惑犯歲星庚申  
歲星犯軒轅大星 五月乙未熒惑犯右執法 六月  
乙卯太白犯井宿西扇北第二星壬戌入犯井宿東扇  
南第二星 八月壬寅入犯軒轅太星乙巳太陰犯建  
星東第二星丁未太白犯軒轅左角丙辰太陰犯畢宿  
右股北第二星辛酉太白犯歲星乙丑入犯右執法



九月辛未八犯左執法乙亥歲星入犯右執法丁丑辰  
 星犯填星丁亥太白犯填星辰星犯亢宿南第一星  
 十月癸卯太白犯氏宿距星戊午犯房宿北第一星  
 十一月癸未太陰犯軒轅右角歲星犯太微垣左執法  
 二十四年正月癸酉太陰犯畢宿太星戊寅犯軒轅  
 右角 二月壬子歲星自去年九月九日東行入右掖  
 門犯右執法出端門留守三十餘日犯左執法今逆行  
 入端門西右掖門又犯右執法太陰犯西咸第一星四  
 月丁未如之癸丑太白八犯井宿東扇北第一星 五

月甲戌太白犯鬼宿西北星乙亥又犯積尸氣歲星入  
 犯右執法 六月丁巳太白犯右執法 七月甲子歲  
 星犯左執法 八月丁未熒惑入犯鬼宿積尸氣 九  
 月甲申太陰犯軒轅右角戊子熒惑入犯軒轅大星  
 十月丙午太陰犯畢宿大星己酉太陰犯井宿東扇南  
 第一星丙辰太白犯斗宿西第二星 十二月乙卯太  
 陰犯太白 二十五年正月戊辰太陰犯畢宿右股東  
 第四星甲戌太白犯建星西第四星 二月丙午太陰  
 犯填星 三月戊辰太白犯壘壁障東方第五星 四

月壬子熒惑犯靈臺東北星 五月辛酉犯太微西垣  
 上將 七月己卯太陰犯畢宿左股北第二星 八月  
 乙未犯建星東第三星己亥犯壘壁陣東方第六星  
 九月丁丑犯井宿東扇南第一星 十月辛卯熒惑犯  
 天江東第二星己酉熒惑犯斗宿杓星西第二星太陰  
 犯右執法庚戌犯太微垣上相 閏十月戊辰太陰犯  
 畢宿右股北第四星又犯左股北第三星壬申太白犯  
 辰星 十一月己丑犯熒惑太陰犯壘壁陣東方第五  
 星丙申犯畢宿大星癸卯犯太微西垣上將 十二月

丙辰犯太白癸亥犯畢宿右股第二星庚午歲星掩房  
 宿北第一星辛未太陰犯太微垣右執法 二十六年  
 正月戊戌太陰犯太微西垣上將辛丑犯亢宿距星  
 二月戊午犯畢宿大星丁丑歲星退犯房宿北第一星  
 守鈞鈴 三月甲午太陰犯左執法四月己未犯軒轅  
 太星乙丑犯西咸西第一星丙子太白入犯鬼宿積尸  
 氣 七月丁酉熒惑犯鬼宿積尸氣 八月己未太陰  
 掩牛宿南三星歲星犯鈞鈴乙亥太陰掩軒轅大星  
 九月壬辰太白犯太微垣右執法甲辰太陰犯太微西



垣上將丙午熒惑犯太微西垣上將 十月月乙酉太白犯填星丁亥太白犯房宿北第一星戊子熒惑犯太微東垣上相太白犯鍵閉庚寅太陰犯畢宿右股北第一四星庚子犯太微東垣上相辛丑填星犯房宿北第一星甲辰太白犯歲星 十二月戊午太陰犯畢宿大星庚申犯井宿西扇北第二星乙丑犯軒轅左角丙寅犯太微西垣上將辛未犯西咸西第一星甲戌犯建星西第三星 二十七年正月癸巳太陰犯太微西垣上將二月乙卯犯井宿西扇北第二星 三月辛巳填星退

犯鍵閉 四月丙寅太陰犯壘壁陣西方第四星 六月乙卯犯氏宿東北星辛未犯井宿西扇北第二星 七月壬辰熒惑犯氏宿東南星丙申太陰犯畢宿太星己亥犯井宿東扇南第二星 八月庚戌熒惑犯房宿北第二星癸丑太陰犯建星西第二星 九月丁丑填星犯房宿北第一星熒惑犯天江南第二星乙酉太陰犯壘壁陣東方第六星辛卯填星犯鍵閉太陰犯畢太星癸巳犯井宿西扇北第二星丁酉熒惑犯斗宿西第二星 十月戊午太陰犯畢宿右股西第二星辛酉犯

井宿東扇南第三星癸亥犯宿西南星 十一月庚辰太陰犯壘壁陣東方第一星

皇明

太祖洪武七年十二月太陰犯軒轅左角 上諭中書省

臣曰太陰犯軒轅占云大臣黜免爾中書宜告各省衛官知之凡政務有乖政體者宜速改以求自安 九年

閏九月以五星余度日月相刑 詔求直言淮安海州

學正會秉正上修德弭災疏 上嘉之召至京擢思文

監丞 十五年壬戌秋九月乙丑熒惑犯南斗時大將

傅友德征雲南 太祖因 賜敕曰上天垂象宜嚴加

戒飭以備不虞 十八年春二月己巳初昏五星並見

十九年夏四月熒惑留南斗 二十三年庚午春正

月熒惑入南斗 三十年丁丑冬十月熒惑犯南斗

建文三十一年熒惑守心時四川岳池縣教諭程濟占應兵

起北方期在明年因上書于朝 朝廷怒其妄言逮京

詔獄明年靖難兵果起北平

成祖永樂元年夏四月太白出昴北

宣宗宣德六年秋九月熒惑犯南斗 八年癸丑秋八月



熒惑犯南斗

英宗正統十四年秋七月熒惑入南斗未幾土木報至

憲宗成化元年十一月乙丑夜月犯太微垣上將星 十

二月丙子曉刻金星犯鍵閉星癸巳夜月犯右執法星

二年丙戌太白曳入南斗 八月乙未夜火星犯壘

壁陣東方第一星 四年八月甲午夜月犯房宿南第

二星 五年春正月乙丑夜月犯五諸侯南第一星己

巳夜月入鬼宿犯積尸氣戌寅夜月犯心宿 二月癸

巳曉刻金星犯牛宿丙申夜月犯木星又犯鬼宿 二

月己未月犯昴宿癸亥夜月犯木星甲子夜月犯軒轅

御女星 秋七月己酉曉刻木星犯軒轅大星 六年

三月癸未昏刻月犯金星 七月戊戌曉刻月犯昴宿

八月己巳月犯天鐔星 九月丙子曉刻金星犯軒

轅左角星 甲午夜金星犯左執法 己亥曉刻金星

犯木星 庚子曉刻金星犯左執法 七年二月丁卯

曉刻月犯羅堰星 四月乙卯夜木星入太微垣留守

端門 閏九月辛亥曉刻土星犯天高星 八年正月

夜月犯軒轅左角星 癸酉曉刻月犯金星 二月甲

申曉刻金星犯辰壘壁陣東第五星 十一月癸丑曉  
刻木星犯鈎鈐 十一年癸卯曉刻月犯牛宿大星  
五月乙卯昏刻月犯明堂中星 十三年閏二月壬子  
夜月犯進賢星 十五年冬十二月二十日夜金星犯  
南斗 十八年九月庚戌金星晝貫干申 二十三年  
八月甲申夜金星犯亢宿

武宗正德元年七月五星陵犯 二年五官監候楊源奏  
二年以來火星入太微垣帝座前東西往來不一  
世宗嘉靖三年甲申春正月五星聚營室欽天監掌監事

光祿少卿樂護疏入下禮部議禮臣覆請稽乾象順時  
宜圖任老成斥遠群小崇敬畏戒逸欲嚴諸一心以為  
祈天永命之本其他齋醮祈禳異端小說不宜輕信以  
啓倖門 十八年秋閏七月庚申木火水金星聚東井  
十九年庚子九月壬子熒惑入南斗數日 冬十月  
水土金星聚于角 二十一年壬寅秋八月丁酉熒惑  
掩南斗 二十三年甲辰七月熒惑入南斗占主東南  
大饑是冬至明年春江南果斗米二錢 二十三年六  
月熒惑犯南斗



穆宗隆慶元年正月二十八日夜月犯角宿南星 三月  
戊午夜水星逆行守亢宿 二年六月火星犯太微西  
垣右執法 三年八月丁未夜火星犯鬼宿 十月朔  
彗星見于天市垣色蒼白芒指東北長二丈餘至二十  
日滅 四年五月己卯夜火星順行犯太微垣右執法  
十一月月犯畢宿 五年二月丙寅夜月犯畢左股  
第二星 八月丙辰月犯軒轅大星 九月己卯月犯  
井宿西扇北第二星 甲申夜月犯軒轅左角星 六  
年正月戊寅夜月犯亢宿 閏二月辛酉夜月犯畢宿  
今上萬曆二十七年九月太白太陰同見於午 三十年  
九月二十六日內靈臺奏九月二十三日辛巳夜五更  
東北地方有星如雞卵大青白色尾跡有光起自下臺  
星東北行至近西南方有星如碗大青白色尾跡炸散  
光照地起自參宿西南行入天苑星後有二小星隨之  
後有大小流星數百紛錯隨行

續文獻通考卷之二百十八終

續文獻通考

續文獻通考卷之二百十九

皇明進士雲間王圻纂輯

象緯考 星變至虹蜺

宋寧宗嘉定十一年五月癸酉彗尤旗見其長竟天 八

月木星留守東井占為三軍大起是年金人犯棗陽

十四年八月長星見西方 十五年八月長星見西方

蒙古耶律楚材謂其主曰女直將易主矣

理宗景定元年五月熒惑入南斗留五十餘日

遼聖宗統和八年三月庚辰太白熒惑闔凡十有五次



道宗咸雅元年十一月有星如斗逆行隱隱有聲 十二月壬

子熒惑與月並行自旦至午

金太宗天會七年十一月甲寅天旗明河鼓直

海陵貞元二年四月戊寅有星如杯自氏入於天市其光

燭地

世宗大定二年十月戊辰有大星如太白起室壁間沒於

羽林軍尾跡丈餘

哀宗正大七年十二月庚寅有星出天津下大如鎮星而

色不明初犯輦道二日見於東北在織女南乙未入天

星

市垣戊申方出癸丑歷房北復東南行入積薪凡二十

五日而滅

元成宗大德元年八月丁巳祇星出奎

順帝至正十年六月壬子有星入於北斗大於月震聲如

雷三日復還 十四年夏赤星見岳州 十八年三月

丁卯太白在井宿失行於北生芒角 十二月太白生

黑芒環繞乍東乍西乍動乍靜癸未復生黑芒忽明忽

暗乍東乍西 二十二年四月朔長星見其形如練長

數十丈在虛危之間四十餘日乃滅 丁亥熒惑離太

陽三十九度不見當出不出 二十四年六月甲辰火  
星夜見如晝

明

太祖洪武三十年丁丑夏五月庚申夜有星大如鷄尾有  
光自天厨入紫微垣後有二小星隨之至游氣中没上  
觀天象占在北虜遂敕晉代遼寧谷諸王慎防邊鄙

宣宗宣德五年冬十月夜有蓬星八日始滅

景皇帝泰四年癸酉夏五月乙丑有星出鉤陳北二小星  
隨之

王駿

世宗嘉靖八年秋七月長庚氣如匹布亘天

流星星隕星搖

宋

寧宗嘉定七年四月流星出自軫宿

理宗寶慶元年七月癸巳有流星大如太白 二年四月

辛亥有流星大如太白 紹定元年六月己酉流星晝

隕三年十一月丁未流星晝隕 四年九月甲辰流星

晝隕 五年閏九月有流星大如太白 端平二年四

月戊子夕有流星見出太白 六月庚辰流星晝隕



嘉熙元年五月辛未流星出左角大如太白 二年五  
月辛卯有流星大如太白 四年二月辛丑有流星晝  
隕 淳祐七年大星隕於棗陽境是日孟珙卒 四年  
四月有流星大如太白出尾距星 景定二年六月壬  
子流星夕墜 三年四月甲辰有流星大如杯  
吏部尚書魏了翁奏曰臣伏見比日以來天文示異何  
其稠也六月流星晝隕其占為覆軍為陰謀越十七日  
己丑熒惑入太微垣其占為饒為逆為喪七月戊戌太  
白經天其占為兵為臣強此金火二星之變至於今未

王璘

退也而火迫內垣尤為急切越六日丙午以後金星行  
入東井夫孽非天作變不虛生陛下亦思所以省己愆  
回天心乎漢相王嘉謂動民以行不以言應天以寔不  
以文下民微細猶不可詐况於上天神明而可欺乎人  
皆以為至言臣謂如此言者在二漢以來絕少抑不知  
民與天一也安有為欺民之事而可以應天亦安有為  
欺天之事而可以動民者此猶未免於擇焉不精然其  
立言之大意則固已深中乎千有餘年應天動民之寔  
病矣臣每見近年以來羣臣封章多言陛下每遇祀饗

必逢開霽每有祈禱無不響應而臣以為此特淺淺之  
為見耳大水大火大兵大盜無歲無之而不此之問姑  
以今年所聞如正月而徐邳覆軍二月而惠寇作亂三  
月而黃陂逐將四月而建卒違命五月而禁衛失伍六  
月而京口起禍七月而高郵阻兵封章奏疏非不多矣  
而不以是為異也不特此也雖乾文示異無月無之亦  
能盡徹于陛下之聽乎陛下聞災異間變故未嘗不知  
畏懼也而臣猶有疑於動民以言應天以文則民未可  
得而動天未可得而應也天未可應臣何以知之以民

王珉

未可動知之耳民未可動何以知之臣半年之間涉萬  
里長途所接州縣民吏語及親政未有能深信者至江  
淮以來則憂危之語日聞以此知民未可以虛言動也  
民未可動則天決不可以虛文應也惟陛下實體而篤  
行之

恭帝德祐二年有二星鬪於中天一星隕

帝昴祥興元年有大星南流海中一星千餘隨之聲如雷

數刻乃已 八月有星墜廣州南初隕色紅大如箕中

爆烈為火既墜地聲如鳴鼓一時頃止



遼太祖天顯元年七月甲戌次扶輿府是夕大星隕於隍  
前越日帝崩

太宗會同二年檢校太師趙思溫家有星隕於庭思溫卒  
九年五月癸丑大星晝隕九月庚子西京星隕如  
兩大同元年四月甲子帝次赤岡大星隕於旗鼓前是  
月崩

金

太宗天會元年七月己巳昏有大星隕于東南如散火  
熙宗天會十四年三月丁酉夜中星搖九月癸未有星

王琰

大如彗起西南流於正西十一月己巳狼星搖  
海陵正隆三年正月丁亥有星如杯長二丈餘其光燭地  
出太微沒於梗河之北

世宗未即位時有大星流入留守第中是年梁水暴漲水  
興城等世宗舉酒酬之而退

章宗泰和六年八月癸丑夜半有流星大如太白其色赤  
起於婁宿八年十一月庚子未刻有流星如太白者二  
光芒如炬幾一丈起東北沒東南

衛紹王元年正月辛丑有飛星如火起天市垣尾跡如赤

龍之狀移刻散 二年正月庚戌朔日中有流星出大如盈其色碧西行漸如車輪尾長數丈没于濁中至地復起光散如火移刻乃滅

宣宗貞祐三年七月庚申有流星如太白其色青白有尾

出紫微垣北極之旁八貫索中 四年正月乙卯夜中

天有流星大如斗色赤長丈餘墜於西南其聲如雷

興定元年十月癸丑夜有流星大如盈長丈餘自軒轅起

貫太微没于角宿之上 二年八月壬戌有流星大如

杯尾長丈餘其光燭地起建星没尾中一云自東北至

王琰

西北而墜其光如塔長先有聲如風後若雷者三摠

皆震 三年七月壬寅初昏有星如西南來其光燭地

狀如月而稍不圓色青白有小星千百環之若逆火然

墜於東北少頃有聲如鼓

元

世祖至元十二年十二月丙申有大星隕于東北庚子伯

顏卒 十七年十一月十九夜有大星隕于康希憲正

寢之旁流光照地久之方滅是夕希憲卒

成宗大德元年六月有星隕于崇仁縣化為圓石綠色



三年九月壬辰流星色赤尾長尺餘其光燭地起如河  
鼓没于牽牛之西有聲如雷 五年十月辛卯夜有流  
星大如杯色赤尾長丈餘光燭地自北起近東徐徐而  
行分為二星前大後小相離尺餘没於危宿

武宗至大元年七月庚申流星起自勾陳南至于大角傍  
尾跡約三尺化為白氣聚於七公南行圓若車輪微有

鏡至貫索始滅

泰定帝四年十月乙巳晝有流星 時有大星隕于磬嘉  
縣之虛初山為黑石狀如東瓜上有點如星擊之鏘然

王璣

有聲人不言舉之則動言則弗動土人以為怪積薪焚  
之雷雨交作乃止

順帝元統二年七月己酉夜流星如酒杯大色赤尾跡約  
長五尺餘光明燭地起自天津之側没於離宮之南  
至元四年九月癸酉彗星如酒杯大色白起自右旗之  
下西南行没於近濁 至正十一年正月丁卯星隕蘭  
陽 十六年十一月丁亥流星如酒杯大色青白尾跡  
約長五尺餘光明燭地起自西北東南行没于近濁有  
聲如雷 是月大名路大名縣有星如火自東南流尾

如曳筥墜入於地化為石青黑光瑩狀如狗頭其斷處  
 類新割者有司以進太史驗視云天狗也命藏于庫  
 十七年閏九月癸卯飛星如酒杯大色青白光明燭地  
 尾跡約長尺餘起自王良没于勾陳之下 十二月己  
 亥申時流星如金星大尾跡約三尺餘起自太陰近東  
 往南行沒後化為青白氣 十九年正月癸丑流星如  
 酒杯大色赤尾跡約長五尺餘起自南河没于騰蛇其  
 其星將沒逆散隨落處有聲如雷 十月辛巳流星如  
 桃大色黃潤後離一尺又一小星相隨色赤尾跡通約

王琰

長三尺餘起自危宿之東緩緩東行沒於畢宿之西  
 二十年閏五月乙亥流星如桃大色赤尾跡約長丈餘  
 起自房宿之側緩緩西行沒於近濁 二十二年九月  
 己巳流星如酒杯大色青白光明燭地 二十三年七  
 月慶元星墜聲如雷光數十丈久之乃滅 二十四年  
 六月丁未星隕 二十五年五月流星如酒杯大色青  
 白光明燭地起自房宿之側緩緩西行沒於太微垣右  
 執法之下 二十六年六月癸酉流星如酒杯大色青  
 白尾跡約長尺餘起自心宿之側東南行光明燭地沒



於近濁 十一月己丑流星如酒杯大分為三星緊相  
隨前星色青明後二星色赤尾跡約長二丈餘起自東  
北緩緩往西南行沒於近濁 又星隕石州大如斗  
二十八年三月庚寅有星流於東北衆小星隨之其聲  
大震 七月六日夜松江孫元璘自平江歸泊舟城西  
柵口方掀篷露坐忽見一星大如杯碗色白而微青尾  
長四五丈光歛燭天戛然有聲由東北方飛入月中而  
止此時月如仰瓦正乘之無偏倚若人以手合置其中  
者

王琰

皇明

太祖洪武三十一年九月長星西隕有星聲如雷

英宗正統元年丙辰秋九月修狼星動搖

憲宗成化元年春正月己酉朔夜有流星光燭地自左攝

提東南行至天市西垣 四年七月己未夜北方有流

星青白色光明燭地自閣道旁西北行衝勾陳尾跡後

始散 六年冬十月丙午夜東方流星赤色光明燭地

自昴宿東北行至井宿 十六年九月辛丑夜有流星

如大盞赤色光芒燭地自婁宿西北行至霹靂旁尾跡

散 二十一年乙巳春正月星隕有聲 詔求直言

部主事張吉中書舍人丁冕進士教毓元並謫官 二

十三年冬十月丙子有大星飛流亘天 詔求直言是

星起西北亘東南光芒燭地蜿蜒如龍 朝寧之間人

馬辟易時 孝宗初即位

孝宗弘治七年五月宣府山西河南俱星隕

武宗正德元年丙寅春三月星隕如月 八月大角大火

中星動搖天璇天機天權星晦 二月六月欽天監五

官監候楊源奏大房及心宿中星動搖天璇天機天權

王琰

俱不明 十二年秋九月 上幸大同獵陽和星隕雨

電

世宗嘉靖十一年壬辰春正月元旦彗星隕如斗聲如雷

三月初八肅州衛星落有聲 十月初七夜福州府

星四亂飛落 十二年冬十月辛巳星隕如雨 十月

年九月蜀建昌衛有火星如車輪從北方出流行帶有

尾至南方散漫聲如雷地微震 二十年冀州東強縣

午時天鼓鳴星隕為石者四 四十年六月朔日昏中

有星流牛女間墜地如雞子光燭天



穆宗隆慶元年丁卯冬十二月初七日丑時西寧衛有星  
 光從正北起往西南落地時天鼓鳴從西南方起往東  
 北止 二年春正月初九日未時新城縣空中迅響三  
 次若雷二聖廟前天鼓鳴三次西南六十餘步落火光  
 一塊陷地一尺圪出黑石一片如碗大識者以為星隕  
 同日許家庄亦天鼓鳴三次有一星落地陷一孔如拳  
 大砲出石一片黑石秤重二十四兩 冬十一月丁丑  
 山西太原府戌時有星如斗大尾長二丈餘從東北起  
 往西南去隨天聞天鼓之聲是日夜交城縣有一星落

王琰

且火光自東北往西南落亦天鼓鳴

今上萬曆二十年六月陝西巡按劉芳譽奏星變災荒等  
 事據涼莊遊擊范良材揭報五月初六日夜從西北方  
 一星如斗大流至東南方落帶小星四顆皆紅綠色尾  
 長二三大 七月初四日福建巡按張一本奏恭報地  
 方隕星雷雨 二十一年二月永平臺頭路青山口守  
 臺千總王文忠呈稱本月十九日一更時分本臺東北  
 有星飛來大如敵臺炯炯有聲餘光若彗約長二十餘  
 丈投下本臺西南崖下星光照地香爐山點魚上兩墩

星晝見

宋

寧宗開禧三年太白晝見時金人陷隨州 嘉定七年八月乙巳太白經天 九月壬戌朔太白晝見 九年五月癸丑朔太白晝見 十年六月癸酉太白經見 十二年二月戊戌太白晝見 三月丁亥又見 六月辛卯經天 十七年六月丁卯朔太白晝見經天

理宗寶慶元年六月辛卯太白晝見 紹定五年四月丁丑太白晝見 端平二年四月丁亥太白晝見 嘉熙

王琰

二年五月辛巳太白晝見 淳祐三年六月戊辰太白晝見 五年二月壬辰太白晝見經天 十一年七月壬午太白晝見經天 寶祐二年九月丁卯太白晝見 五年七月己未太白晝見 開慶元年六月壬寅太白晝見 景定五年己亥太白晝見經天

遼聖宗統和八年十月丁酉太白晝見

道宗咸雍三年七月癸亥晝見凡三十五日 大安四年正月甲寅太白晝見

金



熙宗天會十三年正月辛巳太白晝見凡四十餘日伏

天眷二年五月戊子八月丁丑太白俱晝見 皇統七

年正月丁亥七月己巳太白俱經天 十二月丙寅太

白晝見

海陵天德二年九月乙亥太白晝見至明年正月辛卯後

不見 四年正月癸卯五月己亥丁巳十二月乙卯朔

閏月己亥俱太白經天 貞元元年十二月乙卯閏

月己酉俱太白經天 二年正月庚申太白經天 七

月癸丑太白晝見凡三十有三日伏 正隆二年正月

王琬

庚辰太白晝見凡六十七日伏 九月己未太白經天

至明年正月二十一日不見 四年十二月太白晝見

經天凡七日 五年二月丁卯太白晝見四月甲戌復

見凡百六十有九日乃伏 先是海陵問司天提點馬

貴中曰朕欲自將伐宋天道如何貴中對曰去年十月

甲戌熒惑順入太微至屏星留退西出占書熒惑常以

十月入太微庭受制出伺無道之國又去年十二月太

白晝見經天占為兵喪為不臣為更主又主有兵兵罷

無兵兵起 六年九月丙申太白晝見

世宗大定二年正月癸巳太白晝見 三年正月庚子太白晝見凡百有十日乃伏 七月庚戌太白晝見百二十有七日乃伏 八月丙寅太白晝見經天 十一月庚寅太白晝見經天凡二十四日伏 四年十二月辛卯太白晝見經天 六年四月辛丑太白晝見八十有八日伏 六月太白晝見辛巳經天 九月壬子太白晝見百有三日乃伏丙辰經天 十月壬辰 十一月庚申 十二月戊子俱晝見經天 七年十一月壬申太白晝見九十有一日伏丁丑歲星晝見二日 八年

王琰

三月己丑太白晝見百五十有八日伏 五月丁卯歲星晝見 九年十二月太白晝見十有六日伏 十一年八月癸卯太白晝見 十二年八月丁亥太白晝見在日前九十有八日伏 十月己酉歲星在日後四十有十日伏 十三年閏正月辛酉太白晝見四十有九日伏 十月乙丑歲星晝見于日後五十有三日伏 十四年三月辛丑太白歲星晝見十有八日伏丙辰二星經天凡二日 六月己未太白晝見三十有九日 八月己卯晝見又百三十二日乃伏 十月丙寅歲星



畫見六日 十一月甲子太白畫見八十有六日伏

十六年五月甲寅太白畫見五十有四日伏 十七年

十二月己巳太白畫見四十有四日伏 十九年四月

丁巳歲星畫見凡七日 七月丙子太白畫見四十有

五日伏 二十一年二月戊戌 三月甲子太白畫見

二十二年五月甲申太白畫見六十有四日伏 七

月戊子歲星畫見二日 八月戊辰太白畫見百二十

有八日其經天者六十四日 二十三年九月丙申歲

星畫見五十有五伏 十月辛酉太白畫見百四十

王珙

有九日乃伏 十一月丁卯歲星畫見三十有三日伏

閏十一月庚申歲星畫見九十日伏 二十四年四

月己未朔太白畫見百四十有五伏 九月甲辰

歲星畫見凡五十二日伏 二十五年十一月庚辰朔

歲星見在日後凡七十四日壬午太白畫見在日後百

十有一日乃伏 十二月甲子太白畫見經天 二十

七年六月庚辰太白畫見百七十有三日乃伏 七月

丙午太白畫見經天 二十八年十一月庚子太白畫

見在日前四十有九日伏 二十九年五月庚寅朔太

白晝見在日後

章宗明昌元年二月丁亥太白晝見 二年十一月乙丑

金木二星見在日前十三日方伏而順行 四年八月

己亥卯初三刻歲星見未正二刻太白見俱在午位

五年十一月癸丑太白晝見在日前三十有三日伏

六年正月庚寅太白晝見在日前百有二日伏 六月

庚辰復晝見日後百六十七日惟是日經天 承安元

年九月壬午太白晝見在日前百有七日伏 二年二

月丁巳太白晝見在日後百九十有五伏己未經天

王琰

太和三年六月戊戌太白晝見在日後百有十日伏

六年五月甲申太白晝見在日前七十有六日庚戌

經天 六月辛未歲星晝見在日後七日戊申經天

八月己未卯正初刻太白晝見在日前庚申卯正初刻

太白晝見在日後壬申太白晝見經天在日後 八年

七月戊戌朔太白晝見經天在日後

衛紹王大安元年二月乙丑朔大白晝見經天 崇慶元

年正月日正午日月太白皆相去咫尺

宣宗貞祐二年九月丁亥太白晝見于軫 三年十二月



庚寅太白晝見于危八十五日伏 四年四月丁酉太白晝見于奎百九十有六日伏 六月丙申歲星晝見于奎百日伏 興定元年四月戊辰太白晝見于井百六十有二日伏 八月戊申歲星晝見于昴六十有七日伏 十一月丙戌太白晝見 三年五月壬子太白晝見于參三十有六日經天又百八十四日乃伏 八月己巳歲星晝見于柳百有九日乃伏 四年六月己巳太白晝見于張百八十有四日乃伏 十一月壬辰歲星晝見于翼六十有七日 五年正月辛丑太白晝

王琰

見於牛二百三十有二日乃伏 時司天夾谷德玉等奏以為臣強之象請祭以禳之宣宗曰斗牛吳分蓋宗境也他國有災吾何禳乎 十二月戊戌鎮星晝見于軫己亥太白晝見于室 六年七月乙亥太白經天與日爭光

元

憲宗六年六月太白晝見 世祖至元二十四年十一月庚子 十二月丙寅俱太白晝見 二十六年七月戊子太白經天四十五日 八

月辛未歲星畫見 三十一年四月戊申八月庚辰九月丁巳俱太白畫見

成宗元貞元年十月辛酉太白畫見 十一月甲戌太白

經天 二年正月丙戌太白畫見 大德元年六月乙

未太白畫見 十月戊午十一月戊子十二月甲辰俱

太白經天 六月壬申歲星畫見 二年十二月戊午

太白經天 三年正月丙戌太白經天 六月壬申歲

星畫見 七年九月丙寅太白畫見十月丁亥十一月

己未十二月丙戌俱太白經天 九年七月甲寅十月

王瑛

丙戌十一月丙寅十二月壬寅俱太白經天 十年十

二月壬寅太白畫見

武宗至大元年十一月庚申太白畫見 三年三月戊辰

太白畫見 十月甲辰朔太白經天 四年十二月庚

辰壬辰太白俱經天

仁宗皇慶元年四月丙丁太白畫見 庚寅太白經天 二

年七月辛卯太白畫見 乙未丙辰復見 丁巳經天 八

月戊午朔太白畫見 延祐二年正月己未 己未 二月戊子

太白俱畫見 癸巳經天 五月庚午 六月甲申 太白畫



見三年九月癸丑太白晝見丙寅經天六年十月庚午太白晝見

英宗至治元年六月辛酉十月甲辰三年五月戊戌俱

太白經天

泰定帝泰定元年十二月太白經天復入斗三年七月

戊辰太白經天至于十二月四年九月己巳太白經

天至于十二月致和元年二月壬戌太白晝見

文宗天曆元年六月丁未太白晝見七月癸亥太白經

天至順二年二月壬子太白晝見五月辛丑太白

王瑛

經天六月太白晝見

順帝元統元年正月癸酉太白晝見二月戊戌如之

二年二月丁亥四月丁丑太白俱經天戊寅太白晝見

辛巳壬午皆如之七月己亥太白經天甲辰丙午皆

如之己酉太白晝見庚戌癸丑甲寅俱太白經天八

月丙辰丁巳戊午己未癸亥丙寅戊辰辛未壬申癸酉

甲戌丁丑己卯庚辰俱經天九月庚寅甲午乙未己

亥壬寅俱經天十一月甲申太白經天丙戌亦如之

十二月甲子丙寅丁卯庚午壬申皆如之癸酉歲星

畫見乙亥太白歲星皆畫見戊寅太白經天歲星畫見  
 二年二月甲申太白經天 五月丙辰太白畫見丁  
 巳如之 三年四月庚子太白畫見 五月戊申戊午  
 辛酉如之 六月庚午太白經天辛未甲戌巳卯太白  
 經天壬午太白畫見巳丑庚寅亦如之 七月癸卯太  
 白經天乙巳丙午復如之庚戌太白畫見甲寅太白畫  
 見經天辛酉太白畫見壬戌太白經天癸亥甲子皆如  
 之 十月庚午太白畫見丁亥庚寅辛卯丙申如之  
 十一月丁酉太白經天巳亥丁巳戌午癸亥甲子乙丑

五珠

皆如之 四年十二月癸卯太白經天巳酉庚戌辛亥  
 丙辰皆如之 五年七月甲戌太白經天乙亥丙子戌  
 寅乙酉丙戌皆如之 八月戊子巳丑庚寅辛卯戌戌  
 巳亥壬寅甲辰太白俱經天 九月戊午巳未亦如之  
 六年六月癸卯巳酉辛亥太白俱畫見 七月甲寅  
 丁丑壬戌癸亥乙丑丙寅癸酉復如之 至正元年正  
 月甲戌太白畫見乙亥丙子丁丑及二月巳卯庚辰丙  
 戌復如之 二年五月甲申太白經天丁酉及八月丙  
 午後復畫見 十年七月辛未太白畫見壬申丁丑壬



午至八月癸未丁酉九月癸丑皆如之 十一年十一月  
 己丑太白晝見 十一月丁卯十二月丙子如之丁  
 丑辛卯太白經天壬寅太白晝見 十二年三月戊辰  
 太白晝見 十三年閏二月太白屢經天 七月戊辰  
 太白晝見 九月壬辰十月庚子太白俱經天 十五  
 年閏正月丙辰太白經天五月癸丑六月癸亥如之  
 八月戊寅太白晝見九月乙丑庚寅如之 十八年七  
 月戊申太白晝見 十二月戊寅太白經天 二十一  
 年六月甲辰太白晝見 二十三年二月戊戌太白晝  
 見

玉璣

見庚子至五月壬午甲午六月壬戌七月乙酉丙戌辛  
 卯八月己酉壬子己未俱如之 二十四年六月癸卯  
 三星晝見白氣橫突其中 九月乙丑太白晝見 二  
 十五年正月丁卯太白晝見戊辰如之 二十六年七  
 月甲午太白經天甲辰太白晝見丙午丁未戊申皆如  
 之 八月辛亥太白晝見 二十七年十一月戊寅太  
 白晝見

皇明

太祖洪武元年三月壬申太白晝見 九月上遣吳英往

北平諭徐達曰七月火星犯上將此月金星又犯之占  
 有奸人刺客當謹備之可徧諭諸將一體嚴密雖左右  
 將校勿令相近其故元闔官尤宜防範惟南去者可以  
 使令十六年四月太白經天十八年秋九月戊寅  
 太白經天十九年秋七月癸亥三辰晝見二十年  
 丁卯春二月五星皆見夏五月丁丑三辰晝見十六  
 月太白經天二十六年癸酉夏四月太白經天  
 景皇帝景泰二年秋八月熒惑奏見四年夏五月丁丑  
 歲星晝見六月甲辰歲星又晝見

憲宗成化十一年五月己未金星晝見于巳十八年九  
 月庚戌金星晝見于申

孝宗弘治十八年己丑秋九月恒星晝見

武宗正德元年七月太白經天五星陵犯星斗晝見

世宗嘉靖十九年十二月戊午太白經天三十五年肅

州天鼓鳴有星晝見自西至東有聲四十二年六月

十七日有星在日輪外白色燥然或云此即太白晝見

也

穆宗隆慶元年七月金星晝見乙亥夜月犯畢宿右股北



第一星 十月甲申夜金星入南斗 十一月甲午辰刻有流星如盞大青白色自中天東行尾跡有光長二丈餘 二年正月甲寅金星晝見 七月金星辰見南方 四年十一月金星晝見三日

五星會舍

宋

寧宗慶元三年八月金木火三星會于翼

理宗寶慶二年二月壬午太白歲星填星合于女 十一月

月熒惑填星合於女 三年八月甲戌太白熒惑合於

翼 紹定元年十月丁巳熒惑填星合於危 二年正

月丁亥熒惑歲星合於婁 三年二月乙酉太白婁星

合於畢 六年六月熒惑填星合于胃 端平三年六

月癸卯熒惑填星合于畢 三年四月庚子熒惑歲星

合於危 五年四月庚午太白歲星合於婁 八月壬

辰熒惑填星合于昴

金

熙宗皇統九年七月甲辰太白辰星歲星會于張

世宗大定四年正月戊子熒惑歲星同居氏 十七年九

月庚戌歲星熒惑太白聚于尾 二十二年十二月癸未熒惑太白皆出氐中 二十四年十月壬申太白辰

星同度 二十六年八月乙亥朔日月五星會于軫

泰和八年八月壬戌太白歲星光芒相及同在張一度

哀宗正大三年十一月癸酉五星並見于西南 天興元

年七月乙巳太白歲星熒惑太陰俱會於軫翼司天武

元極言天變上惟嘆息而已 八月甲戌太白歲星交

元

太宗癸卯年夏五月五星聚見於西南

世祖至元十五年十一月<sup>辛</sup>亥太白熒惑填星聚於房 二

十八年正月壬寅太白熒惑填星聚奎

成宗大德二年二月辛酉歲星熒惑太白聚危 五年三

月己巳熒惑填星相合 六年七月癸巳朔熒惑填星

辰星聚井 九年十一月庚戌歲星太白填星聚于亢

仁宗皇慶元年十二月甲申熒惑填星聚于井

英宗至治元年正月甲辰辰星太白熒惑填星聚於奎宿

二月壬午如之 二年十二月乙丑太白歲星熒惑聚

於室 三年二月癸亥朔熒惑太白填星聚於胃宿



泰定帝泰定二年二月庚寅熒惑歲星填星聚於畢宿  
三年三月庚午填星歲星聚于井

順帝至正二年十一月辛卯歲星熒惑太白聚於尾宿

十三年正月戊戌熒惑太白辰<sup>星</sup>惑聚於奎宿 二十一

年六月乙未熒惑歲星太白聚于翼宿 二十四年七

月癸亥太白與歲星相合於翼宿二星相去八寸餘

二十五年七月丁丑填星歲星熒惑聚於角亢 閏十

月戊辰太白辰星熒惑聚於斗宿 二十六年十一月

丙申太白歲星辰星聚於尾宿 二十七年十月丁卯

歲星太白熒惑聚於斗宿

皇明

世宗嘉靖三年甲申春正月元日丙寅歲填次營室丙子

五星咸聚辛巳日纏室初度月食于翼五星皆伏而太

白獨先過壁光祿少卿署欽天監事樂護上言占書云

五星之聚是謂改易王者有德受慶子孫蕃昌無德受

殃失其國家百姓流亡又云天下兵謀則五星聚營室

故聚房周祚以昌聚箕齊桓用霸漢興聚井宋盛聚奎

天寶聚于尾箕而唐德弗稱旋有祿山之禍 皇上聖

德中興五星遼聚宜易簡寡欲以脩德儉用節財以惠民而夷狄盜賊尤宜加謹上納之十九年冬十月水土金星聚於角

瑞星

遼穆宗應曆十一年二月丙寅蕭思溫奏老人星見之行赦宥十三年二月乙巳老人星見十五年正月老人星見

聖宗統和元年十月癸未司天奏老人星見三年七月丙寅老人星見

金熙宗皇統三年八月丙申老人星見

皇明

成祖永樂十四年八月癸酉旦壽星見呂震率文武百官請上表賀上不許十五年七月戊寅旦壽星見百官請賀上曰此歲壽星見卿等以為瑞致賀然四方旱澇蝗疫比比有之而鮮為朕言者朕之所願時和年豐天下之人俱得其所賢者在位讒慝不作百官舉任其事政平訟理國家清明此可為瑞壽星之瑞不足賀也



宣宗宣德五年冬閏十二月二十夜含譽星見于九旒大  
如彈丸色黃白光耀有彗彗臣表賀

客星

宋理宗嘉熙四年七月庚寅客星見于尾

道道宗咸雍元年八月客星犯天廟詔諸路備盜賊嚴火

禁

金世宗大定二十一年六月甲戌客星見于華蓋凡有五  
十有六日滅

衛紹王大安二年二月客星入紫微中其光散如赤龍狀

元世祖至元十年三月癸酉客星赤白如粉絮起畢度五

車北復自文昌貫斗杓歷梗河至左攝提凡二十一日

仁宗延祐二年十月丙子朔客星見太微垣 十一月丙

午客星變為彗犯紫微垣歷軫至壁十五宿明年二月

庚寅乃滅

皇明

太祖洪武九年丙辰夏六月戊子客星見至秋乙亥客星

沒 十二年秋九月客星掃天并 十八年秋九月戊

寅客星入太微垣

景皇帝景泰三年壬申冬十一月癸未客星見輿鬼

英宗天順四年九月癸亥夜客星色蒼白光芒長三丈餘

尾指西南變為彗星

雲氣

遼太祖神冊二年四月圍幽州不克六月望城中有氣如

烟火狀上曰未可攻也班師 天顯元年七月次扶餘

府有紫黑氣蔽天踰日乃散是日帝崩

景帝保寧五年四月丙申白氣晝見

道宗壽隆七年正月壬戌朔夜白氣如鍊自天而降黑雲

起於西北疾飛有聲北有青赤黑白氣相雜而落

金

太祖生時常有五色雲氣若二千斛困廩狀屢見東方遼

司天孔致和曰其下當生異人天以象告非人力所能

為也

海陵天德二年十二月乙卯慶雲見狀如鸞鳳五彩 正

隆六年六月丙午慶雲見是日曹王烏祿即位于遼位

世宗大定八年七月己卯午刻慶雲環日 八月辛亥午

刻慶雲環日 二十三年十月己未慶雲見於日側



章宗明昌三年十二月丙辰北方微有赤氣 太和五年  
九月戊子西北方黑氣間有赤氣如火次及西南正南  
東南方皆赤中有白氣貫徹乍隱乍見既而為雨隨作  
風至二更初黑雲間赤氣復起於西北方及正西正東  
東北往來遊曳內有白氣數條時復出沒其出氣之滿  
中天約四更皆散 六年正月北京中龍山縣西見有  
雲結成車牛行帳之狀或如前後摧損之勢晡時乃散  
九月己酉夜將曙北方有赤白氣數道歷王良下徐  
行至北斗開陽瑤光之東而散

衛紹王大定元年四月壬申北方有黑氣如大道東西竟  
天至五更散 三年三月辛酉辰刻北方有黑氣如堤  
內有白氣三似龍虎之狀 十月己卯東北西北每至  
初更如月將出之狀明至夜半而滅經月乃已 至寧  
元年紫雲覆城上數日俄而宣宗入繼大統

宣宗貞祐元年十月丙午夜有白氣三衝紫微而不貫  
十二月丙申白氣東西竟天移時散 三年六月戊申  
夜有黑氣廣如大路自東南至於西北其長竟天 興  
定三年七月庚申五色雲見 十月乙丑平涼府慶雲

見遣官驗寔以告太廟詔國中五年正月山東行省  
 蒙古綱奏慶雲見命圖以進六月戊寅日將出有氣  
 如大道經丑未歷虛危東西不見首尾移時沒十二  
 月己丑北方有白氣廣三尺餘東西亘天元光元年  
 十一月丁未東北有赤雲如火  
 哀宗至大二年二月甲寅有黃黑禊三年三月庚子省  
 前有氣微黃自東北亘西南其狀如虹中有白物十餘  
 往來飛翔又有光倏見如二星移時方滅四年六月  
 丙辰有白氣經天

皇明

太祖洪武十八年乙丑夏四月五色雲再見禮部請稱賀  
 不許

武宗正德丁卯慶雲見翼軫分是歲丁卯黃河清三日

世宗以八月十日生占者以為河清慶雲之應

世宗嘉靖十八年二月乙巳庚午慶雲見五色縹緲夏言

以聞命擇日昭謝

虹蜺

宋理宗嘉熙三年十月乙丑虹見四年二月辛丑白虹



貫日 寶祐五年十月甲午虹見

度宗咸淳十年春正月

史記 春正月己卯朔永新有氣如虹橫貫一邑

遼聖宗統和二十年正月癸丑東方五色虹見

金世宗二十九年正月乙卯白虹貫日 二月辛酉白虹

亘天

海陵天德三年正月丁酉白虹貫日

武宗至大三年正月丁亥白虹貫日八月甲寅如之

元泰定帝泰定元年夏溫州虹見九頭色如血 四年二

月白虹貫日

文宗至順元年八月白虹貫日 二年正月白虹貫日

三年五月白虹並日出長竟天 四年八月丁丑京師

白虹亘天

順帝至正十九年九月丙午白虹亘天 二十五年三月

白虹貫日 二十六年三月白虹五道亘天其第二道

貫日又氣橫貫東南良久乃滅 二十八年閏七月壬

戌白虹貫日乙丑冀寧文水縣有白虹貫日自東北直

繞西南雲影中似日非日如鏡者三色青白踰時方沒

皇明

貫日 寶祐五年十月甲午虹見

度宗咸淳十年春正月己卯朔永新有氣如虹橫貫一邑

遼聖宗統和二十年正月癸丑東方五色虹見

金世宗二十九年正月乙卯白虹貫日 二月辛酉白虹

亘天

海陵天德三年正月丁酉白虹貫日

武宗至大三年正月丁亥白虹貫日八月甲寅如之

元泰定帝泰定元年夏温州虹見九頭色如血 四年二

月白虹貫日

文宗至順元年八月白虹貫日 二年正月白虹貫日

三年五月白虹並日出長竟天 四年八月丁丑京師

白虹亘天

順帝至正十九年九月丙午白虹亘天 二十五年三月

白虹貫日 二十六年三月白虹五道亘天其第二道

貫日又氣橫貫東南良久乃滅 二十八年閏七月壬

戌白虹貫日乙丑冀寧文水縣有白虹貫日自東北直

繞西南雲影中似日非日如鏡者三色青白踰時方沒

皇明

續文獻通考卷之...



太祖洪武三十年二月白虹亘天

二月八日白虹亘天

二月九日白虹亘天

二月十日白虹亘天

二月十一日白虹亘天

二月十二日白虹亘天

二月十三日白虹亘天

二月十四日白虹亘天

二月十五日白虹亘天



